

THE  
WILLIAM R. PERKINS  
LIBRARY  
OF  
DUKE UNIVERSITY



Rare Books





DISSERTATIONEM THEOLOGICAM

De

THEOLO-  
GIA DANIELIS,

JUDICE DEO,

Sub Præsidio

VIRI

*Magnifici, Plurimum Reverendi,**Amplissimi Excellentissimique*

DOMINI

BALTASARIS BEBELII,

SS. Theol. Doct. ejusd. Profess. Ord.

h. t. Acad. Argent. Rectoris gravissimi,

*Patroni, Præcept. & Avunculi sui,*

Immortali veneratione &amp; cultu suspiciendi.

IX. Aug. M. DC. LX<sup>x</sup>XIII.

Publicè horis locoque ordinariis tuebitur


M. DANIEL PFEFFINGER, Argent.

P. L. C.

ARGENTORATI,

TYPIS JOHANNIS WELPERI.

V I R O  
*Magnifico , Amplissimo ,  
Prudentissimoque*  
D O M I N O  
J A C O B O  
V V E N C K E R O ,  
ARGENTORATENSIIUM CONSULARI  
GRAVISSIMO,  
*Evergetæ & Hospiti suo Gratiſſo,*  
M. DANIEL PFEFFINGER  
S. P. D.


 *Actum , quod vides , Me-  
cœnas Ampliſſime , ſi vel  
temeritatis , ulliusve impu-  
dentiæ convinci poſſet , promiſcui  
ferè ( ſi fas foret ) alterius præſidij  
admiſſa ſejunctione , ſola temporis  
felici-*



*felicitas excusaret & tueretur. Na-  
tales Tuos id nobis hodie reddit, &  
quidem tanto Illustriores, quantum  
inanimadversos propemodum an-  
no præcedente Consulatus Patrii  
molestia celebrari prohibuit. Dulce  
juxta & proficuum est, Naturam  
insuper ipsam quasi præsagiisse, non  
parvum fusis simul & fundendis  
supplicationibus momentum acces-  
surum esse, prodendoq; civium gau-  
dio, si in eā Te rursus sinus sui par-  
tē collocaverit, ubi nil nisi salutare  
sensisti ipse & nos sensurum spera-  
mus. Me decuit ergo Festivitatem  
hanc qualitercunque congratulari,  
junctisque unā pro optata fonticuli  
salu-*

*salubritate votis, Dissertationi huic  
Theologicæ Nomen Tuum præfige-  
re: Ut solenne nimirum non inter-  
morituræ erga Parentem observan-  
tiæ symbolum, fidelisque erga pro-  
lem diligentiae obsidem exhiberem  
& contestarer. Sereno propterea  
vultu admittas, Laudatissime Patro-  
ne, quæ Tibi debentur, filialiq; con-  
fidentia transmittuntur, & Dome-  
sticum Tuum ulteriori gratia am-  
plexere, ardentissime supplican-  
tem: Ut Fons Boni & remunera-  
tor Natales Tuos in æternum auge-  
re, & cælesti beatitudine defectus  
meos compensare velit. Vale. da-  
bam Arg. è mus. 12. Cal. Aug.  
M. DC. LXXXIII.*





Q. D. B. V.

P R O O E M I U M.



Um JESUS Christus, Prophe-  
tarum caput, & maximus, differeret  
de abominabili desolatione tum ad-  
huc futura, allegat *Danielis* Prophe-  
tiam c. IX. 27. Et præcipit, ut lector ad  
*animum eam revocet* Math. XXIV. 15.

quomodo & Danieli ipsi imperatum fuerat Dan. IX.  
23. ad quæ verba B. Hieronymus notat: *Si Danieli di-  
citur: Diligenter attende, ut audias & intelligas quod  
vides, quid nos facere oportet, quorum oculi ignorantia  
tenebris & caligine vitiorum obæcati sunt?* Et paulo  
post adjungit ex Eusebio: *Quæ observatio cautam  
atque sollicitam videtur expetere rationem, ut Lector  
diligenter attendat, & causam divisionis attendat.*  
Quare & nostrarum erat partium, Danielis propheti-  
am, & mysteria in ea contenta sedulo & devote me-  
ditari, hoc potissimum tempore, quo aliquis & insi-  
gnis quidem ejus usus esse potest, & Pereximius Dn.  
M. Respondens materiam disputandi publicè à nobis  
efflagitaret. *Daniel* ei nomen est, quale & Prophe-  
tæ fuit, de Daniele igitur nostram meditationem  
mutuari debuimus, & volumus: Sed non illo Da-  
vidis Filio, qui sic vocabatur. 1. Paral. III. 1. neque  
de Ithamaris filio, qui & ipse sic nuncupatus est. Esd.

VIII. 2. Multo minus de fabuloso illo, cujus mentio fit in historia Susannæ; aut aliquo Eremita, vel alio in historia Ecclesiastica nominato, vel quotidiana experientia claro; Neque enim hi materiam scribendi idoneam nobis suppeditassent; Verum de Propheta, quem *איש המרות* *virum desideriorum* ipse summus Propheta Dan. X. 11. appellat. Scripsit ille suam prophetiam, & egregia inseruit *dogmata*, ex quibus aliquod *Theologia compendium* contexere licet. *Theologia* notat interdum unam tantum vel alteram ejus insigniorem *partem*, ex. gr. articulum de deitate Christi, *quando hætenus*, ait Gregorius Nazianzenus, *de DEO disputatum sit, quod ad præsens spectat*; Nihil enim *plura his attinet dicere*, ὅτι μὴ θεολογία τὸ προκείμενον ἡμῖν, ἀλλ' οἰκονομία. Quoniam non de deitate propositum est modo agere, sed de incarnatione. Orat. XXXVIII. Et Nazianzeni commilito, Basilius, cavet, ne τῇ θεολογίᾳ προσέχοντες τῆς οἰκονομίας καταφρονῶμεν *in Theologiam intenti assumpti hominis mysterium contemnamus*. Epist. CXLI. Interdum vero denotat *totum* rerum divinarum Systema, quo sensu nos h. l. accipimus, dum *ea que de Propheta* (de articulis fidei) *dicta sunt nostris differere Christianis* (ut cum Hieronymo epist. ad Pamach & Marc. loquamur) constituimus. Faxit DEUS, ut feliciter ordiamur, progrediamur, & finiamus!

## THESIS I.

CUM Theologia, ut & alii habitus Practici, suum habeat principium, fines, subjectum, mediā, contraria, & remedia, igitur ea methodo etiam nos utamur, & consideremus. I. *Principium* divinum, quod fidem divinam generat, conservat, & confir-

confir-

confirmat, quod dicimus esse verbum divinum in scripturis contentum. Probatur ex Dan. IX. 2. ubi Propheta meminit **ספרי** *librorum*, nempe sacrorum & divinorum, in quibus describuntur anni captivitatis Babylonicæ, quamdiu durare hæc debeat, nempe annos LXX. juxta prophetiam Jeremiæ cap. XXV. 12. XXIX. 10. Hoc vaticinium excitavit Prophetæ fidem ad serias preces fundendas, ut illæ complerentur, & liberatio executioni mandaretur. *Prædixerat Jeremias septuaginta annos desolationis templi, post quos rursus veniret populus in Judæam, & adificaretur templum & Hierusalem: quæ res Daniele non facit negligentem, sed magis provocat ad rogandum, ut quod DEUS promisit per suam clementiam, per horum impleat preces, ne negligentia & superbia pariat offensam.* Ita Hier. in comment. ad l. cit. Sicut igitur scriptura Jeremiæ principium fuit, quod excitavit devotas Danielis preces, ita etiam principium fuit, quod fidem ejus divinam vel accenderet, & informaret, vel confirmaret de LXX hebdomadibus captivitatis duraturæ. Eadem auctoritas est etiam Danielis. Nam in procæmio allegavimus relationem Matthæi, c. XXIV. 15, ut Christus auditorem & lectorem remiserit ad vaticinium Danielis de abominatione desolationis, futuræ in loco sancto, Dan. IX. 27. Nisi Daniel fuisset fidei principium, & Christus idem statuisset, frustranea fuisset illa allegatio, utpote quæ non genuisset, vel confirmasset, fidem divinam. Eodem digitum intendit Propheta, quando cap. XII. 1. refert verba Angeli de salvandis iis quorum nomina in libro extant: *liber autem ille, in quo scripti dicuntur qui liberandi sunt, nihil aliud est, quam Prophetarum & Apostolorum monumenta, quæ nobis unam salutis anchoram, unumq. mediatorem Dei & hominum, hominem Jesum Christum, proponunt: in quem qui credit habet vitam æternam, qui vero non credit non habet vitam, sed ira DEI manet super eum.* Verba sunt B. Dn. D. Pappi, ex commentario in l. cit. De hac voluntate divina denuo certi non sumus, nisi liber, in quo de ea habetur, sit principium fidei. Intelligimus autem librum istum ipsum, & genuino quidem sensu acceptum, non autem qualescunque ejus Interpretes, vel monumenta; In his enim nonnunquam quædam sunt, quæ verbo divino non competunt, nec credenda sunt, c. gr. Historia Susannæ, relationes & commentaria nescio cujus Hippolyti Romano-



rum Episcopi & Martyris, Dorothei, Sulpitii Severi, & qui horum quædam somnia & fabulas ex recentioribus suas fecerunt; *Sed & hoc nosse debemus, inter cætera Porphyrium de Danielis libro nobis objicere, idcirco illum apparere confictum, nec haberi apud Hebræos, sed Græci sermonis esse commentum, quia in Susanna fabula contineatur, dicente Daniele ad Presbyteros, ἀπὸ τῶ οὐλοῦ οὐλοῦ, καὶ ἀπὸ τῶ πεινῆ πεινῆ, quam Etymologiam magis Græco sermoni convenire, quam Hebræo. Cui & Eusebius & Apollinarius pari sententia responderunt, Susanna, Belisque, ac draconis fabulas non contineri in Hebræico; sed partem esse Prophetiæ Habacuc filii Jesu de tribu Levi; sicut juxta LXX Interpretes in titulo ejusdem Belis fabule ponitur: Homo quidam sacerdos erat, nomine Daniel, filius Abda, conviva Regis Babylonis, cum Danielelem, & tres pueros de tribu Juda fuisse, sancta scriptura testetur. Unde & nos ante annos plurimos cum verteremus Danielelem, has visiones obelo prænotavimus, significantes, eas in Hebræico non haberi. Et miror quosdam περὶ τούτων indignari mihi, quasi ego decurtaverim librum, cum & Origenes, & Eusebius, & Apollinarius, alique Ecclesiastici viri ac Doctores Græciæ, has, ut dixi, visiones non haberi apud Hebræos, fateantur, nec se debere respondere Porphyrio pro his quæ nullam scripturæ sanctæ auctoritatem præbeant. Ita sonant verba literarum, quas B. Hieron. ad Pammachium & Marcellam scripsit. Ex quibus videre possumus, etiam veterum judicio, non omnia, quæ Danieli tribuuntur, habere eam auctoritatem, ut pro fidei principio habeantur, idque ob causas in ipsa cum canonica, tum apocrypha, scriptura contentas.*

§. 2. *Verbum, quod in scripturis sacris continetur, DEUS inspiravit, & literis consignari iussit. Quod DEUS inspiraverit, patet ex collatione rerum contentarum cum divina omniscientia & præscientia etiam contingenter futurorum. Daniel Cap. II. 30. fatetur, somnium Regis, ejusque significationem, sibi revelatam esse non ex sua sapientia, sed aliunde, nempe divinitus, dum rogavit DEUM, ipse, & socii, ut mysterium istud, sibi revelaret, quod & factum est, eodemque nomine gratias Daniel DEO persolvit, vers. 18. 19. 20. &c. Hactenus igitur recte dixerant Chaldæi, non esse in ullius meri hominis potestate dicere, quod*

quod Rex peteret, v. 10. *Confitentur magi, consententur harioli, & omnis scientia secularis literatura, praescientiam futurorum non esse hominum, sed DEI, ex quo probatur, prophetas DEI Spiritu locutos, (adeoque & scripsisse) quae futura cecinerunt.* Argumentum est Hieronymi. ad Dan. I. cit. Quod repetit ex vers. 11. ubi refert verba Danielis ad Regem: *Tollit, inquit, quoque Regi pravam suspicionem, ne humana aestimet inveniri posse solertia quod DEI solius notitia reservatur.* Cum quibus sententiis Manuel Callea scribit, ἰδιον τῆ θεῆ ἔργον δείκνυται ἐν ταῖς ἐυχαῖς ἢ τῶν μυσείων ἀποκάλυψις, *Proprium DEI opus monstratur* ( Dan. II. 28.) *Inter preces revelare mysteria. Dicit enim Daniel: Est DEUS in caelis, revelans mysteria.* Sic ille de princip. fid. Cath. t. II. Bibl. Patr. auct. fol. 220. B. C. putat autem verba ipsius Danielis, quibus ad Regem locutus est. Confirmatur ex c. IX. 24. seqq. ubi habetur vaticinium de LXX hebdomadibus Danielis, quae quidem alias vehementer controversae sunt, in eo tamen plerique omnes conveniunt, quod agant de re tum temporis adhuc futura: Diverse sunt sententiae Africani, Eusebii, Hippolyti, Apollinarii, Clementis, Origenis, Tertulliani, quas Hieronymus ad loc. cit. recenset, constans tamen est opinio, quod verba ista de re futura agant, adeoque de mysterio aliquo divino; *Hac non frustra & absque inspiratione Dei Angelum respondisse, manifestum est.* Scribit Hieron. ad I. cit. maxime si respicimus ad Christum, de quo vaticinatur: Quod nemo potest, nisi Deo revelante. Matth. XVI. 17. Joh. I. 18. Eph. I. 9. 10. Imprimis adeo clarè, ut Daniel vaticinatus est, quem ea propter Porphyrius mentitus est posteriolem, quam vulgo traditur, fuisse, vid. Hieronymum in praefat. ad Dan. comment. Accedit DEI ipsius sermo, interdum veluti ἀπὸ μυχαίνης factus, vide eundem Hieron. ad Dan. IX. 2. quem nemo hominum, nisi impudens impostor, DEO adscriberet, nisi ipse ille fuisset elocutus.

§. 3. Quod vero idem DEUS etiam scribi jussit, probatur ex Dan. XII. 49. (4.) ubi Daniel jubetur obsignare ספר librum, nempe in quo scripserat futura, quod mandatum ut divinitus erat profectum, ita liber quoque erat divinitus, unde Christus quaedam deprompsit Matth. XXIV. 21. Tales divini scriptores erant etiam Moses, ex cuius Deut. cap. XXVIII. 15. quaedam



allegat cap. IX. 11. Et Jeremias, qui de LXX hebdomadibus vaticinatus fuerat, vers. 2. Laudati etiam in Nov. Test. tanquam DEI Ministri & rerum mysticarum scriptores. Luc. XVI. 29. Matth. II. 17. *Qui Danieli multiplicem revolaverat veritatem, ipsa occulta esse significans, qua locutus est, praecepit, ut involvat sermones, & signet librum, ut legant plurimi, & quarant historia veritatem.* Scribit Hieron. ad Dan. XII. 4. Confirmatur ex fine scriptionis, qui est fidem accendere, & per fidem vitam æternam largiri. Joh. XX. ult. propter Messiam, seu Christum; de quo vero omnes prophetæ, adeoque & Daniel, isque luculenter, testati sunt qua voce, qua scriptis. Actor. X. 43. XXVI. 22. Idem confirmatur ex mandato Christi Matth. XXIV. 15. dum jubet lectorem Danielis mentem inter legendum adhibere, quod non fecisset ille DEI Filius, nisi scivisset, DEO revelante & mandante Daniele istud mysterium scripsisse.

§. 4. Patet hinc, quod principium rerum divinitus credendarum & faciendarum sit *solum* DEI verbum, non vero ullius alicujus creatura, sive Angelus sit, sive homo, *dictum, scriptum, traditio*, vel simile quid. Daniel c. VI. 5. & 10. observabat in precibus suis *legem Dei*, adeo ut adversarii ipsius causam contra ipsum invenire non possent, nisi **כרה אללה** *in lege DEI sui*. Neque obstat, quod Rex Nebucadnezar *Danielem* dicatur adorasse. Dan. II. 46. Nam vers. 47. statim ipse innuit, quod adoraverit verum *DEVM*, qui arcana ista revelaverat: *Ergo non tam Daniele quam in Daniele adorat DEVM, qui mysteria revelavit.* ait Hieron. ad I. cit. Contra autem Sophi Chaldaei, ut non poterant Regi indicare suum somnium, & ejus sententiam, ita nec digni erant, in quos Rex suam fidem resolveret: *Qui verax deprehenditur in uno, idem talis quoque praesumitur in altero, & viceversa.* Papa etiam pro Cathedra pronuncians fallibilis est deprehensus in questionibus momenti minoris: *Qui ergo infallibilem se interpretem judicemque venditare potest in articulis gravioribus, imo, ut ipse vult, in omnibus?* Interrogat B. Dn. D. Gejer. ad Dan. II. 9. num. 3. & ad vers. 47. *Multa diu crediderunt multi cum Nebucadnezare, quæ tamen non sunt ex veritate: communis enim hominum morbus est falsis laborare opinionibus preconceptis, multa tanquam falsæ & insipida despuere, quæ successu temporis liquida deprehenduntur veritatis.*

*ricatis. Pulchre Quintilianus lib. X. cap. I. Et cum hoc Melchior Canus lib. XI. L.L. c. 6. p. m. 658. Neque id statim legenti persuasum sit, omnia, quæ magni auctores dixerunt, utique esse perfecta. Nam Et labuntur aliquando, Et oneri cedunt, Et indulgent ingeniorum suorum voluptati: Nec semper intendunt animum, Et nonnunquam fatigantur, cum Ciceroni dormire interdum Demosthenes, Horatio vero Homerus ipse, videatur. Summi enim sunt, homines tamen: à quibus nimirum nihil humani alienum est, si extra orbitam verbi divini exspatiantur.*

§. 5. *Verbum DEI seu scriptura sacra divinitatis Et credibilitatis sua argumenta in seipsa habet, ex quibus potest cognosci, DEI esse verbum Et scripturam.* Assertum hoc fluit ex prioribus. Continet enim in sese vaticinia, quæ originem suam non nisi ex DEO omniscio, & præcio rerum, etiam contingenter, quod causas secundas attinet, futurarum, acceperunt: Eadem continet etiam *mysteria*, quæ omnem hominis rationem & captum transcendunt, ut est *mysterium* de Christo, passuro, morituro, resurrekturo, ascensuro, sessuro ad dextram, & salvatore humani generis futuro, sublata lege Mosaica; sicut viceversa libri apocryphi etiam in sese habent argumenta, ex quibus concludere possumus, *seposita etiam omni hominum auctoritate, ea scripta non esse ex instinctu divino, vel paræ auctoritatis esse cum libris canonicis.* Refert Hieronymus in literis ad Pammachium & Marcellam scriptis, quod Eusebius & Apollinarius Susannæ, Belisque, & draconis fabulas exploferint contra Porphyrium, idè, quod nec in Hebræo habeantur, neque cum historia canonica conveniant; *Et nota*, ipse concludit Hieronymus ad Dan. II. 25. *quod de Filiis Juda sit Daniel, non sacerdos, sicut in fine Belis fabula continet.* Genuinum Danielis scriptum, quod Ecclesiæ Hebræo-Chaldaicæ Rom. III. 2. IX. 4. conceditum est, constat ex *Idiomate* partim *Hebræo*, partim *Chaldaeo*, quas duas linguas Ecclesia tum temporis familiares habuit, & intelligebat. vid. Hieron. ad Dan. III. 23. & ad cap. VII. vers. ult.

§. 6. *Scriptura sacra ab omnibus evéxtois, legi Et intelligi potest, Et debet, tanquam clara.* Quod scriptura sacra vernaculo *idiomate* conscripta sit, modo probavimus; quo vero id alio fine, quam ut *legeretur Et intelligeretur* ab omnibus Lectoribus?

bus? Innuit hoc Christus Matth. XXIV. 15. quando mentionem facit ἀναγιώσκοντες & *Lectoris* scriptorum prophetarum, quem vult quemvis esse, quandoquidem quivis homo debeat iudicia divina nosse, & vitam æternam obtinere. Fatemur quidem, quædam in scriptura sacra esse *obscura*, ut sunt vaticinia, ipsa tamen *vocabula* non sunt obscura, & dedit DEUS interdum etiam *Interpretes*, cum homines, tum Angelos, per quos sensum etiam rerum Lectoribus, vel Auditoribus detexit. Obscurum erat somnium Nebucadnezaris, Dan. IV. sed Daniel illud explicuit, divinitus illuminatus, vers. 16. seq. Obscura etiam scriptura in pariete, sed Daniel lectione & explicatione illam illuminavit. V. 5. 26. 29. seqq. Confer cap. II. 27. Neque amplius obscura sunt, si *complementum* accedat. Hieron. ad Dan. VIII. 26. observat: *Ex verbo ostendens signaculum, obscura esse quæ dicebantur, & non patere multorum auditui, nec posse ante intelligi, nisi rebus & operibus impleantur.* Et ad c. IX. 22. *Tam obscura est, ait, visio, ut Propheta Angeli doctrina indigeat.* Hæc ille ad verba: *Et intelligere fecit me &c.* Contingit etiam, ut certis quibusdam regulis hermeneuticis observatis ad solidam obscurorum verborum notitiam pervenire possimus. Ex. gr. scriptura interdum loquitur in V. T. verbis usurpatis de rebus Novi Testamenti, quod patet ex Dan. XII. 11. ubi per *juge sacrificium* intelligit *cultum publicum* in N. Test. futurum. vid. B. Dn. D. Pap. comment. in Dan. loc. cit. Sed & *DEI ope* opus est, quæ propterea seriis precibus est roganda, & ipse lector quoque diligens debet esse. Dan. IX. 2. 3. X. 16. seqq. quod aliquis instar hominis visus tetigerit Prophetæ labia, ut loqueretur, & consternatum efficaciter erexerit. *Vult Daniel, nos in hac revelatione attentos esse, & diligenter protestatur, veram esse hanc revelationem, & de rebus maximis in illa agi.* Scribit idem B. D. Pap. ad Dan. X. 1. *Intelligentia enim est opus in visione.* Quibus congruit, quod Hieronymus notat ad Dan. XII. 4. *Qui Danieli multiplicem revelaverat veritatem, ipsa occulta esse significans quæ locutus est, præcepit, ut involvat sermones, & signet librum, ut legant plurimi, & quærant historia veritatem.* Quandoquunque ergo dicimus, scripturam esse *claram*, etiam quoad nos, requirimus etiam *media*, intelligendi ipsius sensum, quæ si quis neglexerit, non miretur, si non intelligat scripturam: *Cum*  
*finis*



*finis advenerit, impii non intelligent: & qui docti fuerint, disciplina DEI, ipsi intelligere poterunt, in perversam enim animam non introibit sapientia; nec potest se infundere corpori quod peccatis subditum est. Idem notat ad Dan, XII. 10. ad verba: Et non intelligent &c. Cujus vero cœcitatibus & impietatis culpa est, nisi hominis?*

§. 7. *Sacra scriptura efficax est ad effectus supernaturales producendos. Loquimur autem de scriptura sacra in & quoad se se considerata. Hoc quoque respectu dicimus eam esse efficacem, & efficaciter operari, iusta applicatione posita. Verbum DEI fuit, idque deinde in literas sacras relatum est, quod Daniel exposuit Nebucadnezari, eoque, seposita etiam Ecclesiæ auctoritate, ita commotus est Rex ille, ut divinos DEO honores deferret, & ingenuam confessionem ederet. Dan, II. 46. 47. Gum divina manus scriberet in pariete, Belsazer, qui vidit, exhorruit, & percepta explicatione Daniele eximie remuneratus est, c. V. 6. & 29. Prophetia Jeremiæ, de LXX hebdomadibus captivitatis, produxit in Daniele devotas preces. cap. IX. 2. 3. seq. Scriptura, quam consignare & obsignare idem iussus est Daniel, multis intelligentiam allatura erat. c. XII. 4. Erat hæc efficacia divina & supernaturalis, quare & verbum divinum ea fuisse præditum necesse est.*

§. 8. *Articulus de vero DEO ejusque essentia, attributis, & operibus, tanquam finis materialis, est cognitum necessarius. Dan. IV. 14. Judicium DEI de Nebucadnezare ambitioso ideo erat decretum, & deinde executioni datum, ut homines nossent, quod sit summa DEI potestas & libertas in dandis vel adimendis regnis humanis. Quare DEUS vult, ut homines eum, quantus sit, cognoscant, & opera sua ad ejus mandatum componant; secus si fecerint, damna incurrant, ut incurrit Nebucadnezar, sicut & Belsazer. c. V. 21. seqq.*

§. 9. *Loquimur autem de DEO vero; alias enim & falso sic dicti hac voce nuncupantur, quale quid fecit Nebucadnezar. c. II. 47. dum usurpat vocabulum אלהים, quod tribuit etiam aliis Diis quam vero Hebræorum. Hugo Grotius putat, indicare ipsum distinctionem inter gentiliū Deos majores & minores; Ita enim scripsit ad ea verba: Exceptis Diis, quorum non est cum hominibus conversatio. (Dan, II. 11.) Quasi dicant: Illorum De-*

monum siue Deorum aereorum , qui cum hominibus commercium habent, notitia eousque non pertingit : Hac res Dijs maioribus reservata est. Hanc vero sententiam seu explicationem improbat Dn. D. Calovius, & putat, post Piscatorem, cujus verba allegat, universaliter de Dijs hoc pradicatum intelligi. Intelligitur igitur etiam de Dijs falsis, iisque vel maioribus, vel minoribus apud Ethnicos distinctis.

§. 10. Verus DEUS in sola Ecclesia Judaica agnoscebatur, & colebatur, Id quod agnoscebat & confitebatur ipse Rex Nebucadnezar, quando respondit, dubium non esse, quin *Hebraorum Deus sit Deus super omnes Deos, & Dominus omnium Regum*; idque colligebat ex revelatione occultorum, & praedictione futurorum, quam indiderat DEUS Danieli, cap. II. 47. Idem repetiit c. IV. 29. ut & Darius c. VI. 22. vocatur alias מלך שמים Rex Caelorum, vers. 24. Et Princeps principum c. VIII. 25.

§. 11. DEUS ille verus, ut unus est Essentia, ita multus est, & quidem trinus, in personis Quod unus sit, probant non solum vocabula numeri singularis, sed etiam voces אלה & אל & יהוה, Dan. I. 7. II. 17. 47. III. 26. IX. 2. 14. מרא Dominus, cap. III. 26. Quod vero plures in Deitate sint personæ, patet ex vocabulo עליוני excelsorum, quod notat personas Deitatis, Dan. VII. 18. Referimus, cum B. Dn. D. Gejero, & plerisque interpp. hanc vocem ad אלהים excelsos, vel ad DEUM moderatorem omnium supremum, qui in plurali appellatur alias אלהים קרשום Jef. XXIV. 19. אלהים חיים Dei vivi, Deut. V. 26. Ita & hoc loco Excelsissimus. Hoc ipsum placet etiam Ludovico de Dieu, laudanti LXX. Vulgatam, Pagninum, Genevenses, qui acceperunt de Deo summo &c. Ita etiam Iachiades, Corn. à Lap. Calov. 3. Syst. p. 15. Huc pertinet, quod laudentur עירי vigiles, Dan. IV. 14. quos vocat divinas personas, eo quod custos Israël non dormiat, sed vigilet, Psalm. CXXI. 4. Analogum nonnulli quærent in verbis Nebucadnezaris, quando de suo idolo in plurali loquitur. cap. III. 14. Alij hanc dicunt scriptura sancta consuetudinem, ut unum idolum appelleret plurali, ut est illud in Exodo ( cap. 32. ) de vitulo : isti sunt Dij tui Israël, qui eduxerunt te de terra Egypti; & in Regum ( I. cap. XII. ) volu-



*volumine : Hieroboam, ponens aureum vitulum in Bethel, idola fecisse narratur. Ita Hier. ad loc. cit. Dicerem, Gentiles aliquid de hoc mysterio inaudivisse, & ad sua idola transtulisse.*

§. 12. Trium Deitatis personatum prima est *Pater*, qui vocatur *ערוך ימין* *senex dierum*. Dan. VII. 9. 13. sedens in throno, tanquam iudex: Insignis *veste candida*, ut nix est, *capilli* erant instar *pura lana*, thronus coruscabat flammis igneis, & ipsæ etiam ejus *rota* ardebant ut ignis; quibus verbis describitur partim ejus *aternitas*, in qua genuit Filium, eum ipsum, qui in tempore factus est homo, posterior suo Patre, secundum humanam naturam, quam in tempore assumpsit: Et si cœternus sit quoad naturam divinam, in quo throno etiam sedere conspectus est, Apoc. IV. 2. *Sedens & vetustus dierum dicitur DEUS, ut æterni judicis habitus demonstretur.* ait Hieronymus. Innuitur etiam *sanctitas*, dum *albedo* vestimento assignatur. Debent enim iudices esse sancti & immaculati, quanto magis summus omnium iudex fuerit? Psalm. LI. 6. Rom. III. 4. nec non *aternitas*, non solum ideo, quia *antiquus dierum* vocatur, sed etiam quia *candidos* habet capillos, ut senes ætate & prudentia maxime adulta; *Senex* quoque describitur, ut *maturitas* comprobetur *sententia*, existimat Hieronymus. *Thronus* autem *flammeus* denotat, quod iudex gravis sit, & studio justitiæ quasi ardeat, & operetur, idque incredibili nonnunquam celeritate, instar fulguris, Matth. XXIV. 27. Idem origo est divinæ majestatis, quam Filius ut homo accepturus erat in tempore. Dan. VII. 13. 14. Phil. II 10. Et summo honore dignus, sicut & Angelorum aliquot myriades ipsi interserviunt, ut suo Creatori & Domino, vers. 10. 11. qui tamen manet unus DEUS: Igitur, si & monarchia divina per tot legiones & exercitus Angelorum administratur, sicut scriptum est (Dan. VII. 10.) milies centies centena milia assistebant ei, & milies centena milia apparebant ei: nec ideo unius esse desit, ut desinas monarchia esse, quia per tanta milia virtutum procuratur: quale est, ut DEUS divisionem & dispersionem pati videatur in Filio, & in Spiritu sancto, secundum & tertium sortitis locum, tam consortibus substantia Patris, quas non patitur in tot Angelorum numero, & quidem tam alienorum à substantia Patris? Verba sunt Tertulliani, adv. Prax. c. 3. ubi & aliam ab ipso Deo removet suspicio-

acem, quasi corporeus sit. & vestitus, quod alicui videatur ex cap. VII. 9. seqq. : *membra*, inquit, & *pignora*, & *instrumenta*, & *ipsam vim*, ac *totum censum Monarchia*, *eversionem deputas ejus*; *Non recte. Malo te ad sensum rei, quam ad sonum vocabuli exerceas*, sensum autem paulo ante expressimus.

§. 13. Secunda persona est *Filius*, qui נְהִרְיָא lux est, Dan. II. 22. quomodo etiam à Johanne vocatur. I. 4. Essentia nimirum & officio, vers. 9. *visus* quidem est in veteri Testamento, quando apparuit, etiam ut vir, non tamen revera tum vir esse, rat; Unde *Symmachus* interpres posuit: *quasi vir: Non enim vir erat, sed viri habebat similitudinem.* ait Hieronymus. Ejus divina *majestas* ex variis indiciis eluxit, ex. gr. quod juverit Angelum adversus antagonistam Persiæ, cap. X. 13. quod sublatis in cælum manibus juraverit, tanquam veritas ipsa, c. XII. 7. Confer Ebr. VI. 18. & paulo post dicenda, ubi de ipso ut causa salutis acturi sumus.

§. 14. *Spiritus sanctus, qui tertia Deitatis persona est*, innuitur Dan. IV. 5. dum vocatur רוח אלהין *Spiritus DEI*, seu, si de verbo ad verbum reddas, Deorum, seu divinarum personarum, nempe Patris & Filii à quibus procedit. Idem innuitur etiam cap. VII. 10. Ubi in visione conspicitur fluvius igneus קְרַמּוּהַי נִפְקָא מִן - *egrediens ex ipso*, nempe ille ipse fluvius aquæ vivæ, pellucidus instar chrystalli, qui egredi videtur de throno DEI & Agni. Apocal. XXII. 1. seqq. Proprie exprimitur Johan. XV. 26. quando *procedere* dicitur de Patre, sicut & de Filio, à quo *mittitur* in tempore. Ejus sunt dona administrantia, ut est donum arcanorum divinarum explicandorum, quale fuit apud Danielem, qui propterea dicitur habere *Spiritum DEI*, Dan. IV. 5. Confer. I. Cor. XII. 3. 4. seqq.

§. 15. DEUS hic trinitus sua habet attributa, cum operosa (ut sic loquar) tum operosa. Aliquot talia attributa conspiciuntur in Patre Dan. VII. 9. Sed distincte de singulis agamus, & ex operibus tanquam ab effectu ea nonnunquam colligamus. Dan. II. 20 laudat Daniel nomen DEI quod sit benedictum מִן עַלְמֵי - *à seculo*. Oportet igitur DEUM ipsum ab aeterno esse, cap. IV. 30. ejus potestas vocatur עֲלֵם *seculi*, & ipse עַלְמֵי

**וְחַי עַלְמָא** *vivens seculi nuncupatur à Dario cap. VI. 26. cir-*  
*jus regnum non corrumpitur, & potestas durat* **עַרְ-סוּפָא**  
*usque ad finem. confer. cap. III. 33. Qui חַי vivens est, appellan-*  
*te Dario c. VI. 26. ad distinctionem Deorum gentilium, qui simula-*  
*cra sunt hominum mortuorum, ait Hieronymus.*

§. 16. *Potentia ipsi competit, id quod ex ipsis etiam o-*  
*peribus ejus colligere licet. Dan. II. 20. DEO assignatur etiam*  
*robur, à Daniele, cui revelaverat somnium Nebucadnezaris, &*  
*ejus sensum, de statua aliqua imperiorum, quæ lapide cœlitus ab-*  
*rupto erat comminuenda. Idem vers. 23. dicitur dare & aliis for-*  
*titudinem, quare opus est, ut prius ipse illa sit instructus. Po-*  
*tens erat ad liberandum Confessores ex manu regia, & fornace,*  
*sicut & fecit, cap. III. 17. 24. 29. seqq. Etiam tum, cum Nebu-*  
*cadnezarem regni administratione dejecit, cap. IV. 28. & 31. po-*  
*tentissimum sese exhibuit, Princeps exercitus, seu fortitudinis vo-*  
*catur. Dan. VIII. 11. quod Hieronymus putat in DEUM cade-*  
*re, probante Dn. D. Calovio: per Principem fortitudinis, in-*  
*quiens, rectius intelligit DEUM Hieronymus, quem pleriq; alij*  
*sequuntur: mox egregia ejusdem verba subjungit. Confer ad c.*  
*VIII. 25. ubi explicat, quis sit princeps principum, nempe DEUS,*  
*& quæ novissime Dn. D. Gejerus scripsit, quod potentia Dei nul-*  
*lius hominum circumscribi possit regulis, quousque eadem se exten-*  
*dat, quid eadem possit, vel non possit. Removeantur ea, quæ im-*  
*perfectionem involvunt, & dicatur ingenue: DEUM posse super*  
*abundanter facere ultracuncta, quæ vel cogitare, vel petere possumus.*  
*Eph. III. 20. Videtur quidem Darius dubitare, c. VI. 20. dum*  
*interrogat Danielem: nunquid potuit liberare te à leonibus? Sed*  
*Resp. Hieronymus: Non quod dubitet de DEI potentia, de quo*  
*supra dixerat: DEUS tuus quem colis semper ipse liberabit te,*  
*sed ambiguam sententiam temperat, ut cum Daniel illasus appa-*  
*ruerit, quanto res incredibilior est, tantum adversus principes*  
*justior indignatio sit. comment. ad I. c. Potuit Darius certus esse*  
*saltem de DEI potentia, etsi incertus esset de ejusdem voluntate, &*  
*ipsa Danielis liberatione externa.*

§. 17. *Non solum autem potens est DEUS, sed & scien-*  
*tia omnium rerum ipsi competit. Dan. II. 10. Ipsi Chaldaei fa-*  
*tentur, neminem esse hominum in terra, qui occultum regis som-*



nium nosse & explicare possit, sed Deos (Deum) solum esse qui possint: *Et hoc considerandum, quod somnia, in quibus aliqua ventura signantur, & quasi per nubilum veritas demonstratur, non pateant conjectoribus, & humana mentis arbitrio, sed DEI solius scientia.* annotat Hieronymus ad Dan. II. 28. *Libri omniscientiæ divinæ aliquando in die iudicii sunt aperiendi.* c. VII. 10. explicante B. D. Pap. fol. 224. A. Commentarii. Dan. XII. 10. prædicatur *abominatio desolationis*, quod vaticinium impletum est. Matth. XXIV. 15. Imprimis illustris est prædictio LXX hebdomadum, quæ facta est, tum à Propheta Jeremia cap. XXV. 12. XXIX. 10. citante Daniele IX. 2. tum aliarum ab ipso Daniele, v. 24. seqq. Pro istarum complemento & executione oravit, Daniel c. IX. 3. quando pœnitens ad DEUM sese precibus convertit, q. d. *Imple (DEUS) opere, quod sermone pollicitus es: vicinum tempus desolationis impletur*, scribit Hieronymus. Harum prædictio adeo clara est, ut ne ipse quidem Grotius ausus fuerit negare, Observante Dn. D. Calov. ad Dan. IX. Confer Dan. II. 21. 22. 23. 28. 29. 47. Ex recentioribus B. Clem. Alex. lib. 1. Strom. f. m. 330. A. & innumeros alios sive Commentatores, sive Chronologos, sive Polemicos, sive alios, qui de LXX hebdomadibus scripserunt. Si quando autem aliquod DEI promissum non completur, causa secunda in causa est, quæ conditiones vel ordinem non observavit. *Non ergo quod pollicetur (DEUS) statim futurum est, sed in eos sua promissa compleet, qui custodiunt mandata illius*, notat idem Hieronymus ad Dan. IX. 4. f. m. 278. A. Eadem virtus colligi potest etiam exinde, quod dicatur dare *sapientiam sapientibus, & scientibus intelligentiam* Dan. II. 20. & 21. quod non posset, saltem ut principium, nisi prius ipse sciens & sapiens foret.

§. 18. *Misericordia* quoque eidem competit. Nam ejus dicitur esse *commissio* & *remissio* peccati. Dan. IX. 9. *quia Dominus non solum justus, sed & misericors est, dicit: Tibi Domine misericordia, ut post sententiam judicantis eum provocet ad clementiam.* Verba sunt ejusdem ad loc. cit. confer vers. 16. 18. 19. Et Comment. B. D. Pap. f. 232. B. fin. Dubitaverit quidem aliquis de ea DEI misericordia, quod tradiderit Regi Babylonæ quædam templi vasa inde auferenda, Dan. I. 2. Sed ille ipse locus indigita-

cat DEI misericordiam, quod *quedam* tantum, non *omnia*, tradiderit; Et quæ tradiderat nihilominus *conseruari* integra, ut possent restitui, Dan. V. 2. 3. Efr. I. 7. seqq. Idem observat B. Hieronymus in verbo **תני** stillavit; Dan. IX. 11. Nam scribit: *Non totam in nos effudisti iram, quam ferre non poteramus, sed stillam furoris tui, ut correpti in plaga reverteremur ad te.* Id certum est, quod Deus iram suam clementia temperet.

§. 19. Misericordia igitur *justitiam* à DEO non removere absolutè. Deum enim *justum* esse, Daniel ipse largitur. Dan. IX. 7. & elucet ex *pœnis*, quas DEUS sive comminatur sive infligit propter peccata: Tales inflicturum comminatus est per Nebucadnezarem ei qui verum Deum, ut est Judæorum, blasphemaverit. c. III. 29. Et revera inflixit ipsi Nebucadnezari, cum altius sese extolleret, cap. IV. 26. 27. seqq. Belsazari. cap. V. 30. Et Israhælitis in captivitatem Babylonicam abductis. cap. IX. 7. seqq. Neque solum punit, sed etiam interdum gravitate compensat moram, ut compensavit in Nebucadnezare, cui dedit integrum annum ad pœnitentiam. Dan. IV. 25. Nam cum non resipisceret, eum tanto gravius punivit. vers. 29. seqq. sed nec pœnis solum *temporalibus*, verum etiam *spiritualibus* animadvertit, iisque etiam in animam. Dan. XII. 2. dicuntur quidam resurrecturi esse ad æternum dedecus & ignominiam. Agnoscunt id pii, & confitentur. Nam Dan. IX. 5. seq. habetur confessio Danielis, quod peccatores extiterint ipse, & majores, propterea-que puniti fuerint.

§. 20. Nimirum *verax* est DEUS; qui servat fœdus & gratiam diligentibus se, & præcepta servantibus. Dan. IX. 4. *Sanctus* insuper; Nam ejus viæ sunt rectæ. c. IV. 33. *Liberrimus* etiam, dum regna disponit pro suo arbitrio. 14. 15. 18. 31. V. 21. Et liberat eos quos vult: *Pulchrè ad id quod dixerat: potest eripere nos, non intulit contrarium, si non potuerit, sed si noluerit, ut non impossibilitatis DEI, sed voluntatis sit, si perierint.* Scribit Hieron. ad Dan. III. 18. & D. Gejer. *In Dei liberrima est manu, uni è multis non precantibus largiri, id quod postularunt singuli.* ad cap. II. 19. Summa ipsi *majestas* competit. Nam est DEUS omnium Deorum. Dan. II. 47. Est altissimus. cap. III. 32. IV. 14. dignus qui glorificetur, ut fecit Nebucanezar, recuperato



perato rationis , & regni ulu : cap. IV. 30. Magnus est , & terribilis. c. IX. 4. ad cuius conspectum metus & horror homines invadunt. ut Daniele & socios. c. X. 7. seqq. Non tamen concipienda est quantitas corporalis , cum magnus vocatur : *DEUS noster est magnus non quantitate vel qualitate accidentali , quomodo magnus Rex appellatur Salomo* , Elr. V. 11. &c. *Verum Essentia & maiestate infinita , caput omnem creatum excedente , incomparabili , immutabili &c.* scribit B. Dn. D. Gejer. ad Dan. II. 45. seq.

§. 21. Ex dictis nonnihil judicare possumus de *Operibus DEI* , quæ sunt vel in DEO , ut *Decretum* , quale fuit Dan. IX. 27. vel à DEO , ut est *Creatio* , & creatarum rerum gubernatio , quæ alias & *Providentia* vocatur : eique subjacent creaturæ & inanimatæ , & animatæ : *Inanimata* , ut ignis in fornace , qui non potuit urere Confessores , DEO prohibente , Dan. III. 27. Vide Tertul. advers. Hermog. cap. XLIV. *Animata* , nec illæ solum *bona* , sed & *male* , quarum *omnium* actiones DEUS moderatur , permittit , vel impedit , laudat vel vituperat , remuneratur , vel punit , vel alia quacunque ratione circa illas versatur. Idque fit vel absolute , vel cum certo ordine. De singulis quædam. Dan. I. 3. Daniel & socii in captivitate non adeo male tractantur , ita ut appareat , misericordiam divinam commixtam fuisse cum iustitia , & ita. Etiam Gentiles optimam divinitus vitam aliis apprecabantur. c. V. 23. Conf. c. II. 4. III 9. V. 10. Mittit Deus Angelos ad expedienda sua negocia. cap. VI. 22. Revelat cœlitus somnia , eorundemque intellectum. cap. II. 18. 19. Regibus largitur , sed & adimit , munia sua. Dan. II. 21. 38. V. 18. VII. 6. 11. 12. *Non ergo miremur , si quando cernimus & regibus reges , & regnis regna succedere , quæ DEI gubernantur & mutantur & finiuntur arbitrio ; causasque singulorum novit ille , qui conditor omnium est , & sape malos Reges patitur suscitari , ut male malos puniat , simulque subostendit , & generali disputatione pręparat auditorem , somnium quod vidit esse de mutatione & successione temporum.* Hieron. ad Dan. II. 21. f. 269. Et Gejerus : *Interpretatio somniorum vaticiniorum non competit nisi illis , qui cœlitus simul , ut Daniel , adepti sunt revelationem : alias nempe in dubio semper atque anceps manet animus , num hac vel contraria adhibenda sit ,*  
inter-

*interpretatio, sicut id pluribus persequitur Del Rio disquis. magic. pag 596. seq. verba sunt B. D. Gejeri in Dan. II. 30. Exemplum esto Nebucadnezar Rex, utpote egregiè donatus à Deo Dan. II. 37. 38. & Daniel, quem Deus eripuit ex rictibus leonum, VI. 22. ut Confessores ex igne, c. II. 27. vide Novat. d. Trin. c. 8. & Tertul. d. orat. c. 12. & de resur. c. 58.*

§. 22. Idem conspiciamus in rebus etiam *malis*, & indifferantibus, e.g. in traditione Jojakimi & vasorū templi, Dan. I. 2. *quod traditus scribitur Jojakim, monstrat, non adversariorum fortune fuisse victoriam, sed Domini voluntatis*, scribit Hieron. ad I c. succisio etiam Nebucadnezaris divinitus profecta est. Dan. IV. 20. confer Dan. IX. 7. Mutat DEUS tempora, horas, & moras pro suo arbitrio. Dan. II. 21. & regna quasi in numerato habet. cap. V. 26. Nam *Belsazaris regnum numeravit atque complevit & appendit in statera judicii sui.* ait Hieron. ad I. cit. *Monemur igitur hoc verbo ( Teckel, ) ne calamitates nostras sive cœco fortune casui, sive naturali cuidam rerum vicissitudini tribuamus, sed sci-amus, calamitates quascunque pœnas esse delictorum, & nostra inobedientia, nostrisque peccatis accersiri. Monemur itaque, Deum nequaquam deposuisse, curam rerum humanarum, sed omnia consilia omnesque actiones hominum non modo inspicere, sed judicare etiam & vindicare, sicut ab ipso servatore discimus ( Matth. XII. 36. ) reddendam esse rationem ex omni verbo otioso.* Ita D. Pap. ad Dan. V. fol. 219. B. fin. Excitat DEUS ventos Monarchiarum cap. VII. 2. Neque putes, DEUM, cum *vigilasse* dicitur Dan. IX. 14. etiam dormire, & quidem proprie. Nam *quando propter peccata corripimur, vigilat super nos DEUS, & visitat nos; quando vero à DEO deserimur, & non judicamur, indignique sumus correptione Domini, tunc dormire dicitur.* ait Hieron. ad loc. cit. adeoque docet ἀνθρώπων παθῶς hæc quidem dici, sed Θεοῦ παθῶς esse intelligenda. Quæ cum ita sint, monendi sumus, ut in timore & tremore Domino serviamus. Psalm. II. vid Pap. comm ad Dan. XII. sive *vigilibus*, qui sunt DEUS, in quorum consilio fit decretum de arbore succidenda. c. IV. 14. vide Hieron. comm. ad Dan. f. 272. D. & ipsos Judæos.

§. 23. DEUS hic habet *regnum* quod æternum est, & prodest animarum nostrarum salutem, quare ad illud, tanquam ad

summum bonum contendendum est. scilicet illud est *regnum*, quod sancti possessuri sunt Dan. VII. 22. idque est *aeternum*. vers. 27. Homo igitur, utpote peccator, jam post lapsum, ex se non potest venire in illud, etiamsi vel renatus sit, ut Daniel. nam & hic fuit peccator, id quod ipse fatetur Dan. IX. 5. & colligitur ex Rom. VII. 14. seq. XIV. 3. seq. sed DEI unius gratia est, quod homini pateat aditus ad summum bonum consequendum. Nempe DEus est misericors. Dan. IX. 9. qui nobiscum non agit secundum nostra delicta. c. IV. 24. Unde Daniel in precibus suis pœnitentialibus confugit ad ipsius gratiam & commiserationem. Dan. IX. 17. 18. 19. Et respicit ad DEI sanctuarium, templum, tum destructum, ideoque miserabilem locum. Dan. VI. 10. Media interdum adhibet singularia, ut hominem convertat, ex gr. somnium Dan. II. 46. IV. 1. liberationem Confessorum, cap. III. 23. 24. Cave igitur, ut ex elemosynis, quæ fidei, & pœnitentiæ testimonia, & consequentia sunt, Dan. IV. 24. facias meritum aliquod. *Alias enim Daniel sibi ipsi esset contrarius, cum infra c. 9. in sua precatone fatetur, soli DEO deberi justitiam, nobis autem confusionem faciei nostræ. Item (cap. IX. 18.) non propter justitiam nostram nos prosternimur coram te, sed propter misericordiam tuam multam, & D. Apostolus (Rom. IV. 5. seqq.) aperte ostendit, ei, qui non operatur, creditur autem in eum, qui iustificat impium, imputari fidem ad justitiam. Et: (Rom. XI. 5. 6.) si gratia, jam non ex operibus, alioqui gratia jam non esset gratia. Cui & illud Augustini consonat: Gratis nisi detur gratis omnimodo, non est gratia ullo modo. Hæc Pap. ad Dan. IV. Cave etiam, ut preces facias meritum. Et caute legas Rupertum Tuit. c. 17. aut alibi quæras benevolam DEI voluntatem, quam in ipsius verbo, vide Pap. comm. ad c. XII. Dan p. 244.*

§. 24. *Ita propitius est nobis DEUS propter Iesum Christum, Dominum nostrum. Præclare hoc insinuat Dan. IX. 19. quippe quod Daniel veniam à DEO. petat למען אלהי propter DEUM suum, qui est Messias. Et egregie describit, vers. 24. explicante Julio Africano apud Hieronymum: Nulli, dicente, dubium, quin de adventu Christi predicatio sit, qui post LXX hebdomadas mundo apparuit: post quem consummata sunt delicta, & finem accepit peccatum, & deleta est iniquitas, & annunciata*  
*justitia*



*justitia sempiterna, qua legis justitiam vinceret, & impleta est visio & prophetia, quia lex & Propheta usque ad Baptistam Johannem, & unctus est sanctus sanctorum, qua omnia, priusquam Christus humanum corpus assumeret, sperabantur magis, quam tenebantur. Hæc Julius Africanus de Christo, quasi in compendio χρ150. λογας.*

§. 25. Distinctius autem de singulis agamus. Et quidem I. nomina quod attinet, dicitur *Messias*, ab *unctione*, Græcè *Christus*, quia ungendus erat, juxta Dan. IX. 24. & quidem secundum suam humanam naturam, uti docet Tertul. lib. III. adv. Marc. cap. 15. Vocatur & *sanctus sanctorum* ibidem apud Danielem, non solum ideo, quia tanquam *DEUS* est ipsa sanctitas, sed & quia ipsius sanctitate meritoria nos sancti sumus. I. Cor. I. 30. *Michael* quoque dicitur. Dan. X. 13. XII. 1. quod sonat: *quis sicut DEUS?* ut scilicet intelligatur, quia propitiationem vel expiationem nullus possit offerre, nisi *DEUS*, explicante Hieron. ad Dan. VIII. 16. *quare aspiciamus in magnum illum principem, cujus hoc loco sit mentio. Is enim omnibus arumnis & calamitatibus, licet maximis & tristissimis, incomparabiliter tamen major est, cum & dicatur, & sit, Michael, quis sicut DEUS? h. e. solus ipse DEO aqualis. Quapropter & Princeps magnus appellatur, quemadmodum Isai. IX. Princeps pacis, & Apocal. I. Princeps Regum terre. Est & revera magnus, quia omnipotens DEUS est, Creator & gubernator cœli & terra, qui omnia fecit & facit quacunque vult, qui magna fecit & facit præsertim in Ecclesia, ut virgo mater (Luc. I. 49.) canit: magna mihi fecit, qui potens est, & sanctum nomen ejus. Ita D. Pap. in comm. ad Dan. XII. f. m. 243. B.*

§. 26. II. *Natura*: quæ sunt duæ, divina, & humana. Divina innuitur in voce *Michael*, ut paulo ante audivimus, & in operibus Θεανδρικοῖς, quæ ipsi Dan. IX. 24. attribuantur: sed & humana. Nam in igne conspectus est ut Filius hominis cap. III. 25. *Speciem quarti, quem similem dicit Filio DEI, vel Angelum debemus accipere, ut LXX. transtulerunt, vel certè, ut plerique arbitrantur, Dominum Salvatorem*, ait Hieron. ad loc. cit. confer Tertul. lib. IV. advers. Marc. cap. 10. In ipsa hac specie conspectus est cum adduceretur ad Antiquum dierum, seu Patrem, cap. VII. 13. Idem tanquam lapis de monte sine manibus

abscissus compareret. cap. II. 34. quo ipso denotatur ipsius generatio cum æterna, qua natus est sine matre, tum temporalis, quæ fuit humanæ naturæ, & facta est sine virili opera. Confer Justin. Mart. dial. f. 231. 234. 267. 278. Tertul. lib. IV. advers. Marc. c. 35. de carn. Christ. cap. 15. Hieron. ad Dan. II. 34. Fuit illa ipsius forma solum apparens; Nam ipse erat spiritus, apparebit autem in die extremo, ut ex Dan. VII. 14. colligit B. Dn. D. Pap. comm. ad I. cit. confer Justin. Martyr. Apol. II. f. 67.

§. 27. III. *Communicatio idiomatum divinorum.* Colligitur ex Dan. IX. 24. dum vaticinium habetur de ejus merito, quod stare non potest, nisi facta humanæ naturæ participatione divinæ majestatis, vid. Act. XX. 28. Ebr. IX. 11. seqq. Confirmatur ex Dan. VII. 13. ubi in visione nocturna videt Daniel aliquem Filio hominis similem, qui ad antiquum dierum adductus accipit potentiam, honorem, & regnum, ita ut omnes gentes, homines, & linguæ ei serviant, cujus potestas sit æterna, quæ non interit, nec finis sit ejus regni. Quale quid factum est quoad κτῆς-σιν quidem in unione personali, quod χεῖρσιν autem in sessione ad dextram. vide Psal. II. 7. Phil. II. 9. Col. II. 9.

§. 28. IV, *Officium Christi.* Est triplex, nempe Propheticum, Sacerdotale, & Regium. I. *Propheticum* consistebat in actibus, in quibus futuro isti suo officio quasi prælusit. Id vero erat, docere alios mysteria divina. Dan. II. 19. revelavit Danieli occultum Nebucadnezaris somnium, ut simul & de reconditis mysteriis loqueretur. vers. 20. seqq. Neque eundem saltem excludere possumus à revelatione mysteriorum divinorum, quæ etiam in sequentibus DEO attribuuntur. Confer Joh. I. 18. II. *Sacerdotale*, quod consistere debebat in sacrificio ipsius, & intercessione. Istius figuræ erant sacrificia Judaica, cum matutina, tum vespertina, adeoque abolenda, Christo in carne exhibito, & crucifixo. Dan. IX. 24. seqq. *Insigne* erat habitus sacerdotalis Dan. X. 5. *Angusta* hac descriptio Christi Angelorum Domini propria est, non vero Angeli alicujus ministri. Quod docet primum vestitus Regalis ac Sacerdotalis, nulli Angelo conveniens, nisi Angelo magni consilij & foederis novi, Angelo Goeli & Redemptori nostro. Nam nec uspiam Angelus alius visus est tali habitu, neque vel Regium vel Sacerdotale officium Angelo alij competere



*petere potest, sed uni Christo Regi & Pontifici nostro proprium est. Zonam enim auream, & vestes lineas habitum fuisse Regalem ac Sacerdotalem, constat. Verba sunt Dn. D. Calov. in Dan. c.X. sect. 3. fol. 672. Actus erat excidium, quod factum videbatur, cum in ara Crucispenderet, pateretur, expiraret, & sepeliretur. Dan. IX. 24. seq. Ex quo ipso loco patet etiam fructus & effectus istius sacrificii propitiatorii. Nam ibidem prænunciatur consummatio prævaricationum, sigillatio peccatorum, expiatio iniquitatum, & adductio iustitiæ seculorum, sublatio Legis Mosaicæ, quæ, & similia, beneficia alia debemus uni Christi Sacerdotis merito. III. Regale elucet ex regno ejus æterno, id quod omnia reliqua regna erat oppræssurum. Dan. II. 44. VI. 26. Habet ille regnum potentia, quo omnia alia regna potest destrueret, c. II. 44. instar lapidis de monte abrupti, vers. 34. 45. sed & gratia, in quo imperat per verbum & sacramenta; alias vocant Ecclesiam, de qua inferius locuturi sumus; Tandem & gloria, in cujus plenariam possessionem inductus est in sessione ad dextram Patris, quod maxime in die extremopatebit. Dan. VII. 14. confer Dn. D. Gejer. ad Dan. II. 44. 45. post Pap. 234.*

§. 29. Uno verbo vocatur *Messias*, unctus scilicet ad triplex hoc officium; quem vero *venisse*, contra Judæos evidens est ex collatione vaticiniorum prophetarum, & hujus maxime Prophetæ, clarissimorum. Nam JESUS Nazarenus, quem Christiani ut Messiam, à Prophetis prædictum, veneramus, aptissime implevit omnia ista Danielis præfagia, & sicut jam complevit pleraq; ita etiam complebit residua, nempe diem & judicium extremum. Interea vid. Act. IX. 22.

§. 30. V. *Status* est duplex, exinanitionis & exaltationis. *Iste* insinuat Dan. IX. 26. Nam ibi locorum fit mentio *excidiij*, quod subiturus erat Messias, id quod factum est, cum in infimo exinanitionis gradu versaretur. Ita vero excindendus erat, ut tamen fieret instar lapidis, de monte prærupti, qui subiecta regna comminuat, id quod indicat statum alium, & splendidiorrem & potentiorrem, nempe *exaltationis*, in quo omnia habet subiecta. vide Terrul. cont. Jud. cap. 14. lib. III. advers. Marc. cap. 7. Hieron. Comment. ad Dan. fol. 276. Leont. de sect. Art. II. f. 4. B. P. Etiam si igitur moriturus erat Messias, non tamen

in morte erat mansurus. Nam *atetnum* ejus regnum est. Mortuus autem regnare non potest, quare ad vitam eum rediisse certum est. vide B. Dn. D. Gejer. Cominent. ad Dan. II. 45. num. 3. Gloria in hoc statu *divina* est, adeo ut ipsum sint veneraturi homines eodem quo Patrem honore, quia eandem, quam Pater habet, majestatem accepturus erat. Confer Dan. VII. 13. 14. cum Phil. II. 9.

§. 31. *Beneficia, à Messia nobis comparata, revelantur, offeruntur, & conferuntur à Spiritu Sancto.* Innuimus aliquid hujus rei in præmissis, cum egimus de Spiritu Sancti Deitate, persona, attributis & actionibus. Maxima Apostoli est (1. Cor. XII. 3. seq.) *nemo potest Jesum appellare Dominum, nisi per Spiritum sanctum*; quare necesse est, ut Spiritus S. indiderit Prophetis, & aliis sanctis viris, ut istum Salvatorem suum hoc titulo appellarent.

§. 32. *Administratos autem etiam habet DEUS, quorum opera utitur in salute nostra procuranda; ut sunt I. Angeli i. c. missi, quorum auctor DEUS est.* Nam divinitus mittuntur. Dan. X. 11. *Angelus* fatetur, sese missum esse, & quidem *divinitus*; Nam ad DEUM precatus fuerat Daniel, & inde mandatum accepit Angelus, ut ad Danielelem abiret. Deo semper adstant Angeli tanquam ministri suo Domino, expectantes & exequentes imperata. Dan. VII. 10. Nec obstat Dan. IX. 23. quod videatur Angelus à DEO discessisse. Nam q. d. *Nunc ad te missus sum, & egressus sum, non à facie DEI, ut ab eo recederem, sed ut ad te venirem*: ait Hieron. Est igitur mera officii descriptio. Hieronymus ille dividit hoc officium, dum ait duplex esse, *aliorum qui justis premia tribuunt, aliorum qui singulis præsumt cruciatibus.* Posset latius constitui. Nam & arcana revelant, ut ille cum Daniel habuisset visionem; Nam interpretatus est ipsam illi. c. VII. 16. seq. c. VIII. 17. cap. IX. 22. 23. X. 13. confortare debiles, cap. X. 11. 12. 18. 19. XI. 1. 2. cum malis Angelis pugnare, cap. X. 20. Invisibiles sunt; Nec enim habent formam aliquam externam. Nec obstat, quod Dan. IX. 21. Angelus appareat volitare, & videri, & tangere Prophetam. Nam *videtur Gabriel, non Angelus, vel Archangelus, sed vir, ut nequaquam sexum, sed nomen virtutis ostenderet.* ait Hieron. h. l. Est etiam ingens

ingens eorundem *numerus*. Nam Dan. VII. 10. numerantur millia millium, qui DEO inserviebant, & decem myriades stantium coram eo, qui situs esse solet ministrorum. Aliquis eorum nuncupatur *Gabriel*, q. d. robur divinum. Dan. VIII. 16. qui quidem etiam ut vir apparuit, sed revera erat spiritus: *Non enim viri sunt Angeli, sed in specie videntur virorum, sicut Abraham ad quercum Mambre tres visi sunt viri, qui utique viri non erant, de quibus unus adoratur ut Dominus. Unde & salvator loquitur in Evangelio, Johan. VIII. 56. Abraham vidit diem meum, vidit, & letatus est.* Ita Hieron. Competit iisdem singularis sapientia rerum divinarum, & arcanorum. Dan. IX. 22. seqq. revelat Angelus Danieli egregium mysterium de Filio DEI incarnando, & hujus fructibus, & ipso etiam tempore, & alia talia multa. Hac vero sapientia indigent, quia ipsorum officii est hominibus arcana revelare, & cavere piis à periculis. vide B. Dn. D. Pap. ad Dan. X. fol. 235. B. fol. 244. B. & pag. 245. A. Frustra sunt qui fingunt, Gabrieli potissimum esse demandatam curam precum, aliis aliud aliquod, hoc, vel illud officium. Multa etiam trlicantur de pugna Angelorum inter se, cum nobis non liceat ulterius ire, quam DEUS ipse in suo verbo revelavit. Dan. X. 13. nempe, pugnare Angelos bonos contra malos, sibi adversos hic vel illic locorum, quo minus suo officio, divinitus mandato, in salutem Ecclesiæ defungantur, ut par est. Adeoque id saltem certum est, Angelos bonos habere suos adversarios, in magnis etiam principatibus, qui adversus illos depugnant, & conatus ipsorum quocunque modo impedire conantur, ut fecerunt, quando Judæi ex captivitate Babylonica in terram sanctam redituri erant.

§. 33. II. *Homines*, quorum alii directe & per sese illum finem intendunt, & producant. Tales sunt *servi DEI, Propheta*, quos laudat Daniel cap. IX. 5. 6. 10. quando confitetur peccata, & in iis etiam inobedientiam, qua *DEI ministros, Prophetas*, læserint, cum nollent ipsos, verbi divini nuncios, exaudire. Opusigitur est, ut Prophetæ illi vocati fuerint ad hoc, ut voluntatem DEI hominibus annuntiarent, & eam eo fine, ut ipsam illi scirent, & ad eam sese quovis modo componerent; adeoque meruerint notari, & reprehendi, ut peccatores. Talis  
Dei



Dei minister fuit *Moses*, quippe qui verbum & mandata divina scripsit, & comminationibus munivit; Talis & *Jeremias*, qui de LXX hebdomadibus vaticinatus est; Talis & *Daniel*, qui utrumque consuluit, & in scripta sua retulit. vers. 2. 11. 13. Idem *Daniel* deprecatus est victum Regium, ejusdemque veniam suis quoque commilitonibus impetravit, eo fine & fructu, ut & illi puri manerent ab idololatria: *Ut igitur Daniel, bono veroque perspecto, non sibi id servavit, sed socijs, ut idem secum sectarentur, suasor atque auctor fuit: Ita cuiusvis Christiano incumbit tum errantes in viam reducere. Jacob. V. 19. tum ad augustam pietatis virtutisque viam alios quoque cohortari, & invitare. Ies. II. 3.* Ita Dn. D. Gejer. comment. in Dan. I. 8. pag. 10. Confer & porif. 5. ad cap. II. 49. Patet autem hinc, quod DEUS etiam illis utatur ministris, qui in aliquo Ecclesiastico officio non sunt, ut non fuerunt *Daniel*, & focii, orti, non ex tribu *Levitica*, quæ destinata erat cultui publico, sed ex tribu *Judæ*, quæ operam dare debebat rebus politicis. cap. I. 3. 6. *Danielis* scripta adhuc hodie existant, etsi *Aulicus* ille & politicus fuerit, eademque allegavit ipse *Christus*, ut doceret futuræ desolationis abominationem. *Matth. XXIV. 15.* Quo referri possunt etiam *Reges, Nebucadnezar & Darius*. Iste enim causâ, vel certè occasio, fuit, verbi divini enarrandi, & prædicandi, quando evocavit suos sapientes, ut somnium, divinitus sibi factum, revelarent, & explicarent; deinde verum *Danielis* DEUM agnosceret, & celebraret. cap. II. 46. seq. Quale quid idem fecit, quando vidit illâs Confessores, & liberatorem eximie laudavit, & aliis colendum vulgavit. cap. III. 28. 29. Nec non, quando ad se, & regnum suum reversus, ingenue idem confessus est. verba ejus habentur. cap. IV. 30. seqq. Hic vero, nempe *Darius*, etiam suum cor, linguam & calamum DEO commodavit, ut per ea, ceu per instrumenta, agnosceretur, & celebraretur. Dan. VI. 16. seqq. habentur ejus verba, quibus consolatus est *Danielem*, & postea allocutus est, & edixit, ut per universum etiam suum regnum observaretur. Extant isthæc & similia verba adhuc hodie, & leguntur eo fine & fructu, quo reliquum *DEI* verbum. Ausim dicere, *Judæos*, & in his meliores: etiam fuisse ministros benevolæ *DEI* voluntatis, dum passus est, eos inter gentes, & *Babylonios* quidem, rerum tum Domi-



nos, dispergi, ut essent instar alicujus seminarii, per quod inter gentiles fides & religio purior propagaretur. *Inexplorabilis est DEI providentia, quoad fidelium suorum ductum, dum pueritiam ac adolescentiam ipsorum commoda educatione format, de alimentis patronisque, etiam diversum saepe intendentibus, prospicit. Etc. Ita namque Nebucadnezar inter cetera à religione avita juvenes hos abducere, suisque sacris idololatricis sensim assuescere cogitabat; at hoc ipso modo plus propagari voluit veritatem suam DEUS, ferme ut Naamanis conversio occasionem habuit ex puella captiva. 2. Reg. V. 2. f. Hæc Gejerus.*

§. 34. *Media realia, quibus, ut organis, DEUS utebatur, erant verbum, & sacramenta, & his addenda miracula. Quod verbo usus fuerit DEUS, patet ex omnibus illis sive dictis, sive scriptis, per quæ DEUS homines vel illuminavit, vel convertit, vel confirmavit, vel alio quovis beneficio affecit. Verbum DEI erat, quod Daniel elocutus est, cum Nebucadnezari somnium, ejusdemque sententiam, aperiret; Nam à DEO utrumque hoc habuit. Dan. II. 27. eoque verbo Nebucadnezar ita illuminatus est, ut verum DEUM Israël agnosceret. vers. 46. 47. Sicut idem DEI verbum in ipso excitavit fidei semina, quæ deinde fructum tulerunt, cum ad sese Rex rediisset. cap. IV. 30. Miracula quidem interdum intervenerunt, & fidem vel produxerunt, & confirmarunt, vel ejusdem aliquot semina jecerunt; quod vero non derogat virtuti & officio verbi. Nam eo ipso miracula scripta sunt: Ut scripta est miraculosa liberatio Confessorum. c. III. 28. seq. Et restitutio Nebucadnezaris. cap. IV. 30. Et salvatio Danielis. c. VI. vers. 23. seqq. Dividitur DEI verbum in legem, Dan. IX. 10. 11. & in Evangelium: vers. 24. De quo vero nolumus esse prolixiores, quia supra de eo actum est accuratius, cum de principio fidei ageremus. Sacramentorum quidem, quæ erant circumcisio & agnus paschalis, expressa mentio non fit, innuuntur tamen in vocabulo exercitus Cælorum צבא השמים Dan. VIII. 10. qui, explicante Luthero, in glossa marginali, est cultus Hierosolymitanus, quippe per quem DEO serviebatur, & ipse erat exercitus istius princeps. Ad quem cultum pertinebat etiam Circumcisio, Gen. XVII. 7. & agnus paschalis. Exod. XII. 22. Confer Rom. IX. 4. Ephes. II. 12. Laudatur & Judæ, & D. Judæi.*

*Judei.* Dan. I. 1. 2. 6. IV. 15. V. 5. &c. Istorum vero erat circumcisio, masculis adhibenda die post nativitatem octavo. Gen. XVII. 10. quod sacramentum quin adhibitum fuerit Danieli, sociis, aliisque Israëlitarum masculis, in captivitatem abductis, nihil video quod obster; sed nec *agni paschalis* plane obliti sunt, Exod. XII. 24. etsi non celebrarint, terra sancta ejecti.

§. 35. His caussis & mediis producta est in homine *conversio* & *pœnitentia*. Conversus est Nebucadnezar, postquam Daniel somnium ipsi revelasset & explicuisset, Dan. II. 46. IV. 30. & vidisset miraculosam conservationem confessorum, cap. III. 28. quo medio etiam Darius illuminatus est. cap. VI. 25. Lex *conterit* hominem, ut, postquam sensit & agnovit peccata. cap. IX. 5. seqq. horrorem sentiat, & dolorem, qualem sensit Daniel, postquam in memoriam revocasset sua & suorum peccata. Dan. IX. 5. seqq. distinctam tamen ab horrore impii Belsazeris. cap. V. 6. Non enim vergit hæc ad salutem, ut illa. 2. Cor. VII. 10. Etsi nonnihil ipsum commoverit. Dan. V. 29. 30. Daniel contra utiliter contritus est, audita Hierosolymorum exstruendorum impedimento. Dan. X. 2. 3. *Evangelium* vero gignit, corroborat, & confirmat fidem: qualis fides fuit ejusdem Danielis, quæ de ipso refertur Dan. IX. 9. seqq. postquam relata illa esset, & in memoriam revocata verba vaticinii Prophetici. vers. 2. 3. Nitebatur illa in DEI misericordia & gratia, vers. 9. & beneficiis præteritis, vers. 15. DEO confiscentes Confessores, maluerunt ignem experiri, quam contra Deum aliquod idolum adorare, gnari, Deum posse etiam ex igne liberare cap. III. 17. Unde colligas, jam in Vet. Test. fiducia in Deum fuisse locum. Gloria Dei est finis, in quam pœnitentes intueri debent: Dan. IX. 4. seqq. Daniel pœnitens orator DEO omne eximium adscribit, sibi vero nihil quam pœnam & ignominiam relinquit: *Alterum argumentum sumitur à gloria DEI & commendatione cultus, qui mandato divino erat institutus Hierosolymis.* Etsi enim, ut ipse Daniel fatetur, *populus Judaicus puniebatur propter enormia peccata & scelera, tamen superbi victores, alique prophani homines, his ipsis pœnis abutebantur ad blasphemiam nominis divini.* Petit igitur Daniel, ut vel ad retundendas illas blasphemias Dominus misereatur populi, & reipsa ostendat,

dat, se non probare Idololatrias & blasphemias gentium, scribit B. Dn. D. Pap. ad Dan. IX. f. 232. B. fin.

§. 36. *Effectus hujus modi pœnitentiæ erat remissio peccatorum & pœnarum, vicissim donatio justitiæ, & variorum aliorum bonorum. Dan. IV. 24. Suadet Propheta Regi dejiciendo, ut per fidem, bonis operibus operosam, & per justitiam DEI, inde proveniente, à suis sese peccatis, eorumque pœnis abstrahat, & liberet; quod vero involvit Christi meritum, quippe quo prævicationes tolluntur, peccatum obsignatur, & æterna justitia conciliatur, cap. IX. 24. Quæ Messiae beneficia expendens noster Pappus, ita scribit: Primum est consumi transgressionem &c. secundum tegi peccatum &c. tertium est expiari iniquitatem &c. quartum, adduci justitiam seculorum sive æternam &c. vide paulo inferius. Id quod Hieronymus illustrat Ezechia Regis exemplo, quem Esaias dixerat, esse moriturum; Et Ninivitarum, quibus dictum est: Adhuc 40. dies & Ninive subvertetur, & tamen ad preces (pœnitentiales) Ezechia & Ninive, DEI sententia commutata est, non vanitate judicij, sed eorum conversione, qui meruerunt indulgentiam. Comment. ad Dan. cap. IV. 14. Tertullianus vero facunde edisserit, inquiens: Pœnitentia vita est cum preponitur morti: Eam tu peccator, mei similis (imo me minor, ego cano prestantiam in delictis meam agnosco) ita invade, ita amplexare, ut naufragus alicujus tabula fidem. Hac te peccatorum fluctibus mergum persanabit, & in portum divina clementia protelabit. d. pœn. c. 4. confer c. 12.*

§. 37. *In remissione peccatorum, & imputatione Christi consistit justificatio hominis peccatoris coram Deo. Colligitur ex Dan. IX. 24. Nam postquã vaticinatus fuisset Propheta, quod consumenda esset prævaticatio, sigillanda peccata, & expiandæ iniquitates, innuit, quod peccata essent remittenda, & adducenda justitia seculorum, illa ipsa nimirum, quæ à Christo acquisita est, & nobis coram DEO imputatur, & æternam salutem elargitur. confer ad Rom. IV. 6. seqq. V. 8. seqq. Phil. III. 9. Illam autem DEI gratiam, & Messiae justitiam imputat sibi homo per unam & solam fidem, excluso omni suo, & hominum aliorum, merito, Dan. IX. 8. Daniel summa fiducia accessit ad DEUM, nixus unius DEI misericordia, nulla vero sua justitia; Inde & exaudi-*



tus, & ab Angelo informatus est. vers. 22. seqq. Si verum est, quod Actor. X. 43. Petrus ait, de JESU Christo testari omnes Prophetas, quod in nomine ipsius remissionem peccatorum habituri sunt omnes credentes; si hoc verum est, ajo, ut verum esse præsuppono ex Actor. X. 43. sequitur, quod etiam veteres salvati per fidem illam peccatorum remissionem habuerint. Sine fide impossibile est, DEO placere, quod enunciat Hab. II. 4. quare & impossibile est, veteres DEO placuisse sine fide. Eandemque fidem niti JESU Christo, itidem ex Actis discimus: Nam credimus cum Petro, gratia JESU Christi nos salvatum iri, quemadmodum & Patres. c. XV. 11.

5. 38. *Justificati per fidem renovantur ad bona opera, quæ sunt fructus pœnitentiæ & fidei justificantis. Quid sit bonum aliquod opus, colligitur ex Dan. IX. 10. 11. nimirum illud, quo ambulamus in via Domini, & sequimur ejus vocem. Est inter ea aliquis ordo, alia enim præcedunt, alia sequuntur; præcedunt ea, quæ respiciunt ad priorem decalogi tabulam. Daniel & socii præferunt DEI præceptum humano Regis ordini: Dan. 1. 8. sic illi ipsi Confessores nolunt Regi obedire in adorando idolo, quia DEUS vetuerat, Dan. III. 17. 18. & Daniel iterum maluit leonibus objici, quam abdicatis precibus à solo Dario, tanquam Deo, aliquid petere. Optimè Tertullianus: *Igitur quod attinet ad honores Regum vel Imperatorum satis præscriptum habemus, in omni obsequio esse nos oportere, secundum Apostoli præceptum, subditos magistratibus & principibus & potestatibus, sed intra limites disciplina, quousque ab idololatria separamur. Propterea enim & illud exemplum trium fratrum præcurrit, qui alias obsequentes erga Regem Nabuchodonosor, honorem imaginis ejus constantissime respuerint, probantes, idololatriam esse quidquid ultra humani honoris modum, quod ad instar divini sublimitatis extollitur. Sic & Daniel, cætera Dario subnixus, tamdiu fuit in officio, quamdiu à periculo disciplina vocaret. Nam id ne subiret, non magis leones regios timuit, quam illi regios ignes, d. idol. cap. 15. sic & Hieronymus: *Daniel Regis iussa contemnens, & in DEO habens fiduciam, non orat in humili loco, sed in excelsis, & fenestras aperit contra Hierusalem, ubi erat visio pacis. Orat autem secundum præceptum DEI, dictaque Salomonis, qui contra templum orandum***



*dum esse, admonuit.* Comment. ad Dan. VI. 10. confer B. Un. D. Pap. comment. in Dan. VI. fol. m. 221. B. fin. B. Gejer. ad Dan. I. 10. porif. 2. Vapulat igitur minister Regius, qui sibi plus metuit ab ira sui Regis, quam *DEI*, quando aliquandiu dubitavit deferre precibus Danielis, & Sociorum, ne indignationem Domini incurreret. cap. I. 10. Quanquam hominibus quoque interdum obsequi liceat, cum nihil præcipiunt contra verbum *DEI*, ex. gr. Dan. VI. 10. Daniel in ædibus suis orabat: *Ex hoc loco discimus, ne temerè nos offeramus periculis, sed quantum in nobis est insidias declinemus.* Unde & Daniel non in foro, non in plateis faciebat contra Regis imperium, sed in abscondito, ut veri Domini *DEI* omnipotentis iussa non negligeret. ait Hieron. loc. cit. Et hoc ipso docet, quod aliquis prudenter pius fugiat etiam occasiones peccandi. Daniel & socii noluerunt vel Regis cibum sumere, ne forte iis polluerentur. c. I. 8.

§. 39. *DEUS super omnia timendus, diligendus, eique confidendum est.* Id quod ipse Nebucadnezar voluit, cum præcepit, ut verus Judæorum *DEUS* timeatur, & in reverentia sit. Dan. VI. 26. Apud eundem Daniele laudantur illi, qui *DEUM* diligunt, & præ dilectione ejus mandata observant. Dan. IX. 4. Mentio fit etiam alicujus viæ, à *DEO* per Prophetas monstratæ, in qua ambulandum sit, & vocis ejusdem, quæ exaudienda sit, v. 10. Unde Darius ipse Daniele laudavit, quod *DEO* inservierit, cap. VI. 16. 20. Et licet videatur observantia erga superiores imminens periculum diversum suadere, id tamen faciendum est quod *DEUS* vult. Dan. I. 8. seq. III. 12. 16. Eleganter Tertullianus canit lib. III. adv. Marc.

*Hujus (Danielis) tres socij, vix digna laude canendi,  
Ex numero tanto decretum Regis iniquum  
Contempsere pii, quorum data corpora flammis  
Tradere se poenis potius quam nomina magno,  
Quam genibus nixi simulacro tendere palmas.*

Visionem accepta Daniel religiose miratus est & stupuit, ut decet ad tantas res divinas. cap. VIII. 27. Etiam si autem *DEUS* nunquam insignia dona largiatur, superbiendum tamen propterea non est, sed humilitati studendum, ut *DEI* unius sit gloria. Dan. II. 30. Daniel gloriam somnii revelati & explicati refert ad unum

& solum DEUM. Quem & Rex Nebucadnezar celebravit. c. IV. 30. seqq. *Sic ille Rex Babylonius, offenso Domino, cum squalore & pedore septenni ab humana forma exulasset, immolata patientia corporis sui, & regnum recuperavit, & quod optabilius homini est, satis Deo fecit.* ait Tertul. d. pat. cap. 13. Quanquam cum humilitate stare possit habitus dignitatis: Hinc proxime disputationis suborta est, an servus DEI alicujus dignitatis aut potestatis administrationem capiat, si ab omni specie idololatriæ intactum se aut gratia aliqua, aut astutia etiam præstare possit? secundum quod & Joseph, & Daniel, mundi ab idololatria, & dignitate, & potestatem administraverunt, in ornamento & purpurea, exitere totius Ægypti sive Babylonix, idem c. 17. de idol.

§. 40. *Preces* huc pertinent; Nam in illis sui ipsos pudebat, contra in DEI misericordiam & gratiam omnes gloria & spes rejiciebatur. Dan. IX. 7. Respondebat habitus vestimentorum. vers. 3. Nam in cinere & sacco fiebant preces, quæ quidem erant indicium animi contriti & humilis, non tamen vim aliquam, aut meritum rei ipsi, seu precibus conciliarunt. Id quod ex ipsis illis Danielis verbis videre est. Nam confidit non in sua justitia, sed unius DEI magna misericordia, vers. 18. quod cum merito juniorum stare non potest, quare cautè legendus est Tertul. d. anim. cap. 48. *Species* orationis duæ potissimum sunt, nempe petere, & gratias agere. Dan. VI. 10. ad quæ verba Pappus scripsit: Admonemur & de argumento precum Danielis, quod videlicet & supplicaverit Domino, & gratias egerit. Hæc enim duo sunt summa precationis genera: quanquam prius in alias etiam species subdividitur. Petitio enim sive supplicatio vel est *dénôis* postulatio boni absentis, vel est deprecatio mali præsentis, aut futuri, vel denique est *êpêvêis*, sive intercessio pro aliis, & pro universa fraternitate sive Ecclesia. Hanc precationem sequitur deinde confessio, i. e. gratiarum actio, ut dicitur: invoca me in die tribulationis, & ego eripiam te, & tu glorificabis me. Sic glorificavit DEUM Nebucadnezar, viso miraculo, & recuperato rationis usu & regno. Dan. III. 32. IV. 30. Precantes suum habent *tempus, situm & gestum*, quæ cuique dicitur vel lex divina, vel consuetudo, & necessitas. Dan. VI. 10. Daniel projectus in genua ter interdum oravit versus Hierusalem, juxta 1. Reg. VIII.

§. 41. Interdum quædam *tempora* divinitus destinantur ad cultum divinum, ea vero religiose servanda sunt, imprimis si subfit periculum religionis ipsius, Dan. VI. 10. dicitur Daniel ter interdixit orasse, nempe tempore sacrificii jugis matutini, tum vespertini, tum meridiano: quale quid etiam alii fecerunt, Act. II. 2. III. 1. X. 9. confer Sam. Petit. lib. I. var. lect. cap. 10. Buxtorf. in libr. Cosm. pag. 163. & alios, citante B. D. Gejer. in Dan. I. cit. „ ubi in poris. 3. scribit: Rigidi esse tenemur etiam in cultu ex-  
„ terno, ( ut h. l. in geniculatione precumque in præsentia alio-  
„ rum continuatione. ) ut in adiaphoris, quando arcem fidei no-  
„ stræ peti, confessionemque oblique sic à nobis exigi deprehen-  
„ dimus, ne per indirectum cedamus Satanæ, Deique honori-  
„ bus ac veritati agnitæ detrahamus, dum metu hominum remit-  
„ timus de fervore nostro. Qui nimis cauti hic sunt, incauti in-  
„ faustique nimis postea deprehenduntur. Qui secure viam bo-  
„ nam persequitur, præter spem mirè postmodum eripitur: è  
„ contra qui vult animam servare, perdet eam, Matth. X 31.  
„ Huc Exempla Adiaphoristarum nec non scripta interimistica o-  
„ mnis generis superiore *seculo*. Hæc ille. Item n. 8. scribit: O-  
„ ratio quanquam debeat esse assidua, ( 1. Thes. V. 17. Rom. XII.  
„ 12. Luc. XII. 1. ) alligari tamen nihilominus potest ad certa  
„ anni, mensis, septimanæ, dieique tempora & horas: Sicut  
„ Daniel ter de die oravit, ita ad minimum tribus in die vicibus  
„ debemus & nos adorare ordinarie solenniterque, dum cubitu  
„ surgimus, dum cubitum imus, dum cibus corpus reficimus,  
„ atque proinde nec occupationum motus, nec interpellationum  
„ frequentia nos impedire debet in debitis DEO serviitiis præstan-  
„ dis. & poris. 9. addit. De horis canonicis bene Coppenius ad Ps.  
„ V. 4. has improbamus non quatenus sunt ordinariæ, sed merce-  
„ nariæ & meritoria, & dum sunt quod non esse debent, nec sunt  
quod esse putantur. Dan. IX. 21. Mentio fit temporis sacrificii  
vespertini, quo apparuit Angelus Danieli oranti, & varia arcana  
revelavit.

§. 42. *Viri præstantes in pretio habendi sunt, maxime si in ipsis extraordina & eximia dona deprehenduntur.* Nam Nebucadnezar, audita somnii sui, hætenus occulti, revelatione & explicatione, in genua prolapsus adoravit coram Daniele, DEum nempe



nempe talium donorum autorem, eundemque Daniele egregie remuneratus est, nec legitur Daniel munera ista superbe respuisse. c. II. 48. Qui ipse & alias sese obsequiosum præbuit erga superiores, modo conscientia non reclamaret. Nam ad Præfectum Regium submisit dixit : *Fac cum servus tuus prout visum fuerit*, cap. I. 13. Nec culpandus est præfectus Regius in eo quod dixerit, se sibi *metuere* à suo rege, modo metum istum non prætulisset divino. cap. I. 10. Fugienda cædes est, & pericula vitæ sunt amolienda, quantum possumus. cap. VI. 10. Daniel domi oravit, non foris. *Ex hoc loco discimus, ne temere nos offeramus periculis, sed quantum in nobis est insidias declinemus.* scribit Hieron. Demus etiam operam, quoad licet, ut aliorum quoque vitam conservemus. Dan. II. 12. seqq. Cum immineret periculum vitæ sapientibus Chaldæis, Daniel oravit DEUM, ut sibi somnium revelaret, quo facto apud Regem allaboravit, ut illi quoque servarentur, vers. 27. seqq. Tacite etiam potestas patria in rebus matrimonii insinuat, Dan. XI. 6. Nam Reges Austri & Aquilonis dicuntur inter sese conciliari, interveniente matrimonio filiarum, quod communiter intelligunt de Rege Ægypti & Antiocho Theo, quorum huic in matrimonium data est Berenice, Philadelphi filia. Sicut igitur fœdus vel amicitia in Regis Ægyptii potestate erat, ita etiam in ejusdem potestate erat, Berenicen, filiam suam in matrimonio collocare Theo. Confer vers. 17. Aliena diripere non licet, Dan. XI. 18. refertur de Antiocho, quod insulas quasdam suas fecerit, nullo scilicet jure auctoratus. Confer vers. 21. 24. Sed opus est, ut curam pauperum geramus, eleemosynas dando. cap. IV. 24. Contra, nostra commoda interdum etiam declinemus, ut Daniel. cap. V. 7. vide Hieron. comment. ad h. l. fol. 273. G. Mendacia dicere non licet, neque proditiones adornare, vers. 23. improbatur calliditas & dolus erga proximum, nec proditio probatur. vers. 25. 26. 27. Concupiscentia denique originalis & actualis prohibetur, imperata meliore. Nam Dan. I. 2. Jojakim venit in potestatem Babyloniarum Regis culpa etiam Manassæ Regis, qui iram divinam cum peccatis etiam in suos posteriores derivarat. Dan. II. 10. Daniel studet servare etiam alios sapientes.

§. 43. His virtutibus operam dantes evadunt DEO dilecti,



lecti, ut Daniel *vir desideriorum*. Dan. X. 11. Nam præditi sunt fide, bonorum operum radice, per quam apprehensa Christo DEO grati sunt & placent. Ephes. I. 6. Quoniam ipsa passiva renovatio sit imperfecta. Nam Dan. IX. 5. Daniel se ipse computat inter peccatores: Licet Daniel vir esset sanctissimus, adeo ut DEUS iustissimo (ipsum) Noë & Jacobo annumeret; nihilominus tamen in promiscuo peccatorum cumulo se completur, dum ait, se non modo populi sui, sed etiam sua peccata DEO confessum esse, ita Gesner. thes. 97. disp. in Dan. IX. Confer Dn. D. Calov. ad loc. cit. f. m. 627. b. consonant B. Hieronymo, qui annotat: *peccata populi*, (ad Dan. IX. 5.) *quia unus est populo est enumerat ex sua persona, quod & Apostolum in epistola ad Rom. (cap. V. 6. 12. &c.) facere legimus, & ad vers. 7. Iustus enim patimur quod meremur.* Merentur autem peccatores. Fuerit igitur peccator etiam Daniel, qui dicebat, sese commertum esse.

§. 44. Virtutibus opponuntur peccata. Quorum (1.) esse consistit in inobedientia erga vocem DEI, & transgressione viæ legis divinæ, propositæ à DEO per servos suos, Prophetas. Dan. IX. 10. 11. Peccatum igitur est *avopula*, id quod præter, vel contra legem divinam est: Et quicumque viam hanc negligunt sunt transgressores, seu peccatores: qui vocantur Dan. VIII. 23. Et à DEO deficiunt. Dan. IX. 9. Et impiè agunt. cap. XI. 55. (XII. 10.) (2.) *Autor* non est DEUS, sed ipse homo, quem DEUS punit, interdum etiam in posteris, ut Manassen impium in Joachimo. Dan. I. 2. (3.) *Species* sunt, & quidem secundum *tabulam priorem decalogi*, idololatria, quæ aliud objectum colit quam DEum, id quod confessores noluerunt facere cap. III. 12. 14. 15. seq. sicut nec Daniel & socii voluerunt cibo regio uti, Nam verebantur ne Idolothytis sese polluerent, Dan. I. 8. atque ita peccarent, dum Idololatria jam in Vet. Test. erat prohibita. vid. Dn. D. Calov. comment. ad Dan. III. fol. 601. b. Displicet DEO & *Infidelitas*. Dan. IX. 13. Et impietas, & impœnitentia, & neglectus precum. loc. cit. Nec non *inconstantia* in bona, qualis erat apud Nebucadnezarem, qui edita insigni confessione deinde tamen in Idololatriam sese præcipitavit. cap. III. 1. seqq. juxta posteriorem *Decalogi tabulam* peccatur in proximum cæde, quæ

ipsi intentatur ob non præstitam rem homini impossibilem. Dan. II. 12. 13. de qua & similibus vitiis paulo inferius loquemur, uberiorius, quando de vitiis acturi sumus. (4.) *Distingui* possunt peccata in ea quæ sunt contra vel præter conscientiam. Dan. VI. 14. seqq. gravius peccarunt Aulici, quando insidias struxerunt Danieli, quam ipse Rex, qui fraude non animadversa fere coactus est Daniele leonibus objicere.

§. 45. Habent virtutes sua *præmia*, qualia sibi promittebant focii Danielis ex abstinencia à regia mensa, quæ & consecuti sunt, Dan. I. 15. & Daniel consecutus est explicato regis somnio. cap. II. 46. 47. Et ipsius focii per constantem confessionem. cap. III. 30. Alia præmia idem Daniel accepit à Rege Belsazer, lecta & explicata occulta scriptura, c. V. 29. & à Rege Dario, qui ipsum inter supremos triumviros esse voluit. De his & similibus præmiis speciale quidem Dei mandatum vel promissum non exstat, exstat tamen generale, quod Deus etiam in hac vita virtutem remunerari velit. 1. Tim. IV. 8. Multum autem prodest, si & hominum suum faciat officium, ut Daniel & focii, qui frugaliter vivebant. Dan. I. 8. seqq. vide D. Pap. h. l. Adde & hoc, quod promissiones divinæ interdum sint conditionatæ. Dan. IV. 23. 24. Si scilicet homo egerit pœnitentiam, & officium fecerit, ut Daniel Regi Nebucadnezari dicebat.

§. 46. Habent & peccata suas *pœnas*. Dan. I. 2. DEUS tradit Joachimum Regem Judæ. & quædam vasa in manus Nebucadnezaris, qui ea abduxit. cap. II. 13. Chaldæi, qui subinde ampliora jactabant, quam par erat, addicebantur morti; Ministri Regii propius accedentes ad fornacem, flamma corripiebantur & comburebantur, nutu sine dubio divino, quod essent ministri sceleris, cap. III. 22. Delatores Danielis in lacum leonum conjiciebantur. c. VI. 24. Nimirum saltem in genere pœnam peccatoribus Deus comminatus est, & talia exempla docent, quod peccatis aliqua pœna debeatur. Vocantur una voce *maledictio*. Dan. IX. 11. & prolixè exponuntur, c. IX. 5. seqq. in precibus pœnitentialibus Danielis.

§. 47. *Ecclesiam* constituit *populus sanctus*, uti laudatur cap. VIII. 24. Sanctus DEI mons est. cap. IX. 10. Civitas & populus juxta DEI nomen, ipsumque DEUM vocatus. c. IX. 19. Popu-

Populus Dei, & sancta civitas. vers. 24. Mons DEI. v. 20. Populus DEum agnoscens. Dan. XI. v. 32. Terra decora. Dan. XI. 40. Ex quibus & similibus descriptionibus apparet, quod Ecclesia DEū auctorem habeat, & ejus membra sint sancti, qui sic vocantur, Dan. VII. 18. Populus sanctus, c. VIII. 44. Sapientes populi. Dan. XI. 33. Nebucadnezar eos vocat DEI servos. Dan. III. 26. Talis erat Daniel, innocens: *Nos interpretamur cum Hieronymo simpliciter, quod (hostes) nullam occasionem adversus cum repererint, in quo regi obnoxius fuerit, eo quod fidelis esset, & omnis culpa & suspicio non inveniretur in eo, & paulo post. Felix conversatio, in qua inimici nullam reperiunt occasionem, nisi forte in legitimis DEI.* Tales & alii, qui, licet non fuerint circumcisi, Deum tamen Hebræorum venerati sunt, ut Nebucadnezar, c. II. 46. 47. III. 28. 29. IV. 30. Darius. c. VI. 26.

§. 48. Habet Ecclesia suas *affectiones*, quæ sunt I. *unitas*. Nam erat indivisa in se, & divisa à quovis alio cœtu. Dan. I. 8. Daniel & socii abstinerunt sese à dapibus Regiis, ne forte polluerentur. Idem Daniel in precibus suis se vertebat versus Hierosolymam & templum, quod symbolum erat cultus Judaici, c. VI. 5. 10. Socii ipsius maluerunt in ignem conjici, quam cum Ethnicis misceri, c. III. 12.

§. 49. II. *Sanctitas*, & quidem *doctrina*; Nam abhorrebant à Gentilismo, ut modo audivimus, & verbum divinum habebant pro principio fidei, & credebant articulos in ipso fundatos, uti hactenus multis exemplis probavimus, & porro probabimus. Doctrinæ sanctitatem sequebatur sanctitas *cultus*. Nam DEum venerabantur; ut Dan. III. 17. Cultus Hierosolymitanus appellabatur *exercitus caeli*, Dan. VIII. 10. explicante D. Luthero in glossa. Et consistebat in sacrificio quotidiano, & in loco sacro, vers. 11. 13. quibus verbis Propheta describit cultum Novi Testamenti, more usitato, quo res novi fœderis solent describi verbis Vet. Test. olentibus. vid. Pap. ad Dan. XII. f. m. 245. A. m. Sanctitas *virtutum*, quæ & quanta fuerit, supra patuit, ubi de *renovatione* ad bona opera egimus, & ex factis jus ipsum, vel facienda ostendimus. Erat insignis *fides & fiducia* Dan. I. 8. seq. dum Daniel & socii sibi certo promittebant luculentam formam ex victu dicente: *Incredibilis fidei magnitudo, non solum sibi cor-*



*pulentiam polliceri esu vitioris cibi, sed & tempus statuere. Non est ergo temeritatis, sed fidei, ob quam regias dapes contemserunt. Hieronymus h. l. ait. Confidebat idem, quod DEus somnium & somnii sententiam sibi esset revelaturus, & inde vitam conservaturus. c. II. 15. Cumque id impetrasset, Deum laudavit. X. 20. Ne sui videatur meriti quod impetravit, refert ad Patrum iustitiam, & ad veritatem DEI, qui seminis eorum etiam in captivitate miseretur. Iterum dicit Hieronymus. Socii ipsius Martyrio etiam suo fidem contestati sunt: Proinde & trina fraternitas quum dedicatio imaginis Regia urbem urgeret officio, non ignoraverunt quid fides, quæ sola in illis captiva non fuerat, exigeret, morientem scilicet adversus Idololatriam. Scribit Tertul. advers. Gnost. cap. 10. Erat quidem populus intelligens & faciens, palam imperata faciendo. Dan. XI. 35. Sed & erga proximum suum amorem declarabant, ut Daniel, cum contristaretur ob Nebucadnezaris imminentem calamitatem. Dan. IV. 16. Sed & per se innocens erat innocentia saltem causæ. Dan. VI 4. 5.*

§. 50. Erat præterea sanctitas etiam *charismatum* divinorum, quæ vulgo vocantur, administrantium: Daniel & socii divinitus acceperunt eruditionem. Dan. I. 17. nota, quod DEus dederit sanctis pueris scientiam & disciplinam secularium literarum in omni libro & sapientia, monet Hieron. h. l. qui jam antea erant celebres sapientia Theologica, Theoretica, & practica. vers. 4. Accessit sapientia etiam in rebus occultis, vel inveniendis, vel explicandis. Dan. II. 18. seq. IV. 6. 15. VIII. 1. 3. Daniel intimat somnium, quod viderat Rex, & explicuit; Idem habuit visiones de rebus contingenter, (quoad nos) futuris, oculis divinitus elevatis; *Quamvis in somnis videantur, quæ videntur, in umbra videlicet, & imagine, tamen ne ipsa quidem videre possumus sine oculis elevatis.* ait Hier. ad Dan. VIII. Quomodo non semper omnibus elevabantur. Dan. X. 7. solus Daniel audiebat vocem, non socii, & Paulus (Actor. XXII. 9.) *Simile quid in Actibus Apostolorum passus est, ut ceteris non videntibus visionem solus aspicere.* Idem observat ad I. cit. Quare mirum non est, quod Danielis sapientia adeo celebris fuerit, ut inde argumentum sumeretur. Ezech. XXVIII. 3. Eodem huc spectant etiam *miracula*, ut contigit cum tribus confessoribus. Dan. cap. III. 23. 24. Grande miracu-

lum, legati mittuntur in fornacem, & cadunt in medium ignem  
 precipites, ardent vincula quibus legati sunt, & victorum corpora  
 timens flamma non tangit. Scribit Hieron. ad l. cit. Nimirum  
 miracula DEI sunt magna & potentia, vers. 33. & contingunt in  
 cœlo, & in terra. cap. VI. 27. Homines interdum obstupesci-  
 unt, non tamen extinguunt officia. Hoc est illud quod in  
 Genesi de Abrahamo legitur, quod, postquam Dominum  
 audierit loquentem, terram & cinerem se esse dixerit. Ergo Da-  
 niel ad visionis horrorem languisse & agrotasse se dicit, & cum sur-  
 rexisset, fecisse opera, quæ sibi à Rege fuerant imperata, reddens  
 omnibus omnia. Hæc idem.

§. 51. III. *Catholicismus*. Non rejiciebat Ecclesia Ju-  
 daica, si qui ad ipsam sese convertebant. Nebucadnezar venit ad  
 agnitionem propinquiorem veri DEI. Dan. II. 46. cap. III. 28.  
 Rursus ergo Nabuchodonosor DEI confessionem recipit, & damna-  
 tis idolis laudat tres pueros, qui noluerunt servire & adorare o-  
 mnem DEUM, excepto DEO suo, & miratur, quod sanctus  
 DEI ignis tangere non potuerit. Hieron. h. l. Sed & Darius pro-  
 pius pedem admovit. Dan. VI. 25. 26. Quod vero ad Diabolos  
 usque extendendum non est. Eodem Hieronymo loc. cit. impro-  
 bante.

§. 52. Ecclesia vera suis quoque scandalis obnoxia est.  
 Nam futuri erant, qui sanctum fœdus derelinquebant Dan. XI.  
 3. qua de re supra, ubi de peccatis, egimus. Quare suis quoque  
 persecutionibus & calamitatibus obnoxia erat, vel esse debuit.  
 Fatetur Daniel cum suis sanctis, quod inique egerint, & impie,  
 & desciverint à DEO, quare mirum non esse, si pœnas dent. vers.  
 7. *Iuste enim patimur quod meremur*, Hieronymus notat. Mo-  
 tores autem istarum persecutionum erant *Diaboli*. Dan. X. 13.  
 Princeps Persiæ Diabolus resistebat bono Angelo, quo minus im-  
 perata perageret. Et, instrumenta Diaboli, *homines* Ethnicæ, Ju-  
 dæi, & Pseudochristiani. Dan. III. 8. inventi sunt homines invi-  
 di, qui accusarunt confessores inobedientiæ, & effecerunt, ut in  
 ignem conjicerentur. Daniel ipse in lacum leonum conjectus est.  
 cap. VI. 16. Antiocho quoque permissurus erat *DEUS*, ut san-  
 ctos persequeretur. Observabimus est istud, quod duplex An-  
 tiocho sive cornu isti parvulo potestas tribuitur: una quidem

„ in corpora & vitam sanctorum ; altera vero , & quidem ma-  
 „ gis extimescenda , contra ipsum jugem cultum , habitaculum  
 „ sanctuarii , ipsamque veritatem. Quod notandum est, ne cum  
 „ hominibus profanis & servis offendamur , dissidiis doctrinæ,  
 „ variisque hæresibus , & sectis exorientibus , quæ veritatem in  
 „ terram dejicere conantur. Juratus enim ille hostis noster Dia-  
 „ bolus non tantum appetit nostra corpora , aut facultates , ut il-  
 „ lis noceat , sed multo magis nocere animis nostris , & æternæ  
 „ vitæ consequendæ instrumentis , h. e. vera DEI cognitione nos  
 „ orbare cupit. Ita Pap. ad Dan. VIII. f. m. 231. A. fin.

§. 53. Maxime vero *Antichristo* tribuitur , quod Eccle-  
 siam DEI sit persecuturus. Antiochus enim etiam in hoc typus  
 ejus erat. Hieronymus notat ad Dan. VII. *Praeliabitur enim, ajens,*  
*Antichristus contra sanctos, & superabit eos, in tantamque erige-*  
*tur superbiam, ut leges DEI & ceremonias mutare conetur, &*  
*elevetur supra omne quod dicitur DEUS, religionem cunctam sua*  
*subjiciens potestate.* Respicit ad 2. Theff. II. 4. Apud Danielē  
 eadem ipsius crudelitas exprimitur , cap. XI. 44. *Veniet in multi-*  
*tudine magna, ut conterat & interficiat plurimos; & cap. XII. 1.*  
*Et veniet tempus, quale non fuit ab eo, ex quo gentes esse cœperunt,*  
*usque ad tempus illud.* Nimirum sicut persecutiones in Antio-  
 cho præcesserunt , ita docet in *Antichristo* ex toto esse complenda.  
 ait Hieron. quippe qui futurus erat hostis DEI , adversus quem  
 locuturus erat. Et adversus homines DEI , & qualescunque eo-  
 rum status, æconomicum atque politicum. De quo inferius.

§. 54. Addendæ sunt *calamitates* aliæ , quæ innuuntur ,  
 Dan. XII. 1. quod tempore Antichristi futuræ sint tantæ quantæ  
 unquam , & jam ante illa tempora tumultuabantur venti variorum  
 imperiorum. c. VII. 2. *Qua ventorum pugna, & maris pertur-*  
*batione turbulenta, & inquieta omnium imperiorum gubernatio*  
*depingitur.* Scribit Pappus h. l. Talis turbo fuit , quando Joachīm  
 cum valis in manus Nebucadnezaris tradebatur , & Daniel cum  
 sociis in captivitatem abduceretur , cap. I. 2. seqq. Idem Daniel ad  
 aliquot diēs erat infirmus , & ægrotabat , Dan. VIII. 27. quan-  
 quam non passus fuerit aliquid suo officio decedere. Neque sem-  
 per dissimulabat DEUS imminētia mala. Nam, ne quis aureum  
 seculum



seculum sibi posthac promitteret, revelavit futura mala. Dan. VIII. 2. seq. vide Pap. h. l.

§. 55. Sua tamen & *remedia* habet *DEUS*, quibus malis occurrit, ut vel tollantur, vel leniantur, & hostes confundantur, Ecclesia vero juvetur, & conservetur, interdum etiam per ipsos hostes & calamitates. Dan. I. 4. seq. Hebræi quidem discere jubentur sapientiam Chaldaeam, sed hoc ipso arma ipsis subministrabantur adversus gentiles, vide Hieron. ad h. l. & ad vers. 9. In mediis flammis conspiciebatur *DEI* Filius, ut homo, qui vim ignis restinguebat, ut incolumes evaderent confessores. cap. III. 25. seqq. Danielem in lacum leonum conjici permisit Deus, sed idem iisdem rictus obstruxit, quo minus innocentem discerperent. cap. VI. Elapsis LXX. hebdomadibus, à Jeremia prædictis, Hierosolyma erant restauranda. Dan. IX. 25. 26. Vastatori sacerorum Antiocho ruina prædicitur. Dan. VIII. 13. 14. confer Hieron. comment. ad Dan. VIII. lit. D. & G. Sicut in solatium Judæorum captivorum ruina regni, & usus ratione prædicta est Regi, qui abstulerat vasa templi. vid. Justin. Mart. vel quisquis auctor est quæst. & resp. ad orthod. num. XLIV. Resp. Bestia occidenda in ignem conjicienda videtur. cap. VII. 11. Antichristus habiturus est finem, nullum vero auxilium. cap. XI. 45. confer Justin. Martyr. dial. fol. 263. Ipsi autem pii variis calamitatibus expurgantur, & puriores subinde redduntur, ut metallum, igne excoctum. Dan. XII. 10. *Primo ait (Propheta) pios calamitatibus purgari, sicut à frumentis quisquilia, alieque sordes inter tritrandum excutuntur. Quemadmodum igitur pura grana separari à quisquiliis illis & sordibus non possunt, nisi tritura interveniente: Ita crux & calamitas purgat & mundat pios sive credentes ab illis ὁσέσημασι Καρπὸς, quæ eos spiritu promptos ab obedientia mandatorum DEI retrahunt.* Ita Papp. ad Dan. XII. fol. m. 245. adde seqq.

§. 56. Idem Deus *mala*, quæ permittit, ita *temperat* & dirigit, ut in bonum finem vergant, Dan. I. 2. permisit vasa sacra in manus Nebucadnezaris venire, sed servavit usque ad Cyrum, qui gloriose reddidit. vide Gejer. ad h. l. Idem c. II. r. seqq. denegavit Chaldaïs sapientibus notitiam somnii regii, contra eandem largitus est Danieli, ut confunderetur superstitio, Ethnica, Ecclesia

clesia Judaica vero glorificaretur. vid. Hieron. ad Dan. II. 13. seqq. Fecit & ut sanguinarium Regis decretum differretur. cap. II. 16. Ne desperarent Judæi DEUS revelavit somnium de IV. Monarchiis. Dan. VII. 1. seq. Urbis & templi restaurationem DEUS aliquandiu impediri passus est, ut eo calidiores essent preces Danielis. Dan. IX. 2. 3. seq. Nimirum, Nazianzeno dicente, precibus πάν ἀγαθὸν ἀρχεται, καὶ εἰς τέλος ἔρχεται, omne bonum incipit, & ad finem pervenit. Unde simul patet, quod sit ordo aliquis, quem observare debet homo, ut talis sit malorum bonus eventus. Cum Daniel accepisset de regio somnio, existimavit DEUM esse precibus sollicitandum, ut illud cum sua sententia revelaret, quod & factum est: *Non quo tractatione & sagacitate mentis occulta perquireret, sed quo occultorum Dominum precaretur, & ideo Ananiam & Misaelem & Asariam jungit, ad preces, ne solus de suo merito videatur presumere, ut quorum erat commune discrimen, communis esset & oratio.* ait Hieron. Idem Daniel ter interdum DEUM precibus adorabat, ut populus captivus tandem in libertatem restitueretur: *Per quæ tria tempora dum Daniel DEO sedulus supplicaret, impetravit non solum præscientiam futurorum, sed & captiva diu gentis meruit libertatem,* ait Chrysol. Serm. XXI. Idem obtenta petitione Deo agebat gratias, cap. II. 20. quod DEUS præcepit, Psalm. L. 15. vid. B. Papp. ad Dan. II. 20. Nec existimandum est, si quid est prædictum, quod ideo officium precum sit negligendum. Prædixerat Jeremias LXX. annos desolationis templi, post quos rursus veniret populus in Judeam, qua res Daniele non facit negligentem, sed magis provocat ad rogandum, ut, quod DEUS per suam promisit clementiam, per horum impleat preces &c. edisserit Hieron. ad Daniel. IX. 2. 3. confer ad vers. 20. fol. 278. D. ad vers. 23. fol. 278. E. pr. Idem effecit, ut socii Babylonæ præficerentur, ipse vero in aula mansit: Id quod contra Porphyrium defendit Hieronymus idem in comment. f. 270. B. Sed nec infinitum est tempus, quod DEUS dat persecutionibus, sed definitum est, quo impleto, cessare fieri ac à malo. Dan. VII. 25. XII. 7. vide D. Pap. h. l.

§. 57. Habent res suos dies etiam novissimos, ut videre est ex Dan. II. 29 *Quod si ita legitur, sollicitius requiramus, ubi dies novissimi scripti sint, & redarguamus eos, qui mundum non pu-*

*tant esse periturum Nunquam enim dies appellarentur novissimi, si mundus esset æternus.* Argumentum est B. Hieronymi ad Dan. loc. cit. Sunt autem novissima alia vitæ, alia mundi totius: vitæ est mors, & quidem corporis; Nam anima est immortalis. Dan. II. 4. vide B. Dn. D. Gejer comment. ad loc. cit. describitur per *abitu*. Dan. XII. ult. Corpus autem hoc tandem *resurrecturum* est ex suo sepulchro, id quod clare apparet ex Dan. XII. 2. & Danieli quoque assignatur. vers. 13. Colligitur idem ex promptitudine moriendi Judæorum, quippe credentium, sua corpora aliquando resuscitatum iri Dan. III. 12. Nec non ex *æterno* Christi regno. Regnabit enim Christus vivus, qui pridem moriturus erat, vivus erit ergo & Christus, & vivi subditi, quibus imperaturus est. vide Dn. D. Gejer. ad Dan. II. 45. porism. 3. Innuitur vero quo ipso tempore resurrectio sit futura, nempe in novissimo die, Dan. XI. 58. *quo verbo ostenditur, omnem prophetiam vicinam esse resurrectioni omnium mortuorum, quando & Propheta surrecturus est;* Colligit Hieronymus adversus Porphyrium. Confer Man. Calec. d. princ. fid. auctar. II. BB. PP. f. m. 277. B. Eodem hoc novissimo tempore erit *judicium extremum*, de quo scripsit Daniel cap. VII. 10. & accurate descripsit ejus formam, cum quo confer Apocal. XX. 12. & quæ habet idem Caleca. f. 276. & 277. D. Pap. comment. in Dan. loc. cit. fol. m. 224. B. Judex erit DEUS omniscius, justus, sanctus; & ejus omniscientia, sed & hominis cujusvis conscientia, erit liber aperiendus. Judicium erit penes sanctam Trinitatem, adeoque & *Antiquus dierum* memoratur, tanquam qui in gratiam sanctorum *Altissimi* judicium est adornaturus, idque justissimum, quod docent circumstantiæ, ad justitiam judicii requisitæ. *Judicandi* erunt omnes homines sive boni, sive mali. cap. XII. 2. Sententia erit partim absolutio & salvatio piorum, partim condemnatio impiorum. Judicabuntur autem à Filio DEI etiam secundum ejus humanam naturam, secundum quam à Patre suo accepit potestatem divinam etiam judicandi omnes homines. cap. VII. 13. 14. *Adventus* ejus erit ut terribilis igne ita & solatiffuus luce. Dan. VII. 10. *Thronus* erit æternus, & maturus quasi ad judicium. vide B. D. Pap. comment. h. l. Sancti erunt *Assessores*, Luc.



XXII. 3. 1. Cor. VI. 2. cum Matth. XIX. 28. confer & Matth. XIX. 28. Apocalyps. XX. 12. & Dn. D. Calov. comment. ad Dan. VII. fol. 618. B. Servient Angeli, Dan. VII. 10. vid. Pap. 224. A.

§, 58. *Consummatio seculi.* Dan. II. 34. ea innuitur, dum prædicitur lapis sine manu de monte abruptus, qui omnia regna comminuet, hoc vero fiet, cum mundus *consummabitur*. vide Hippol. de consumm. sec. t. II. Bibl. PP. fol. 6. in auct. I. PP. fol. 52. Dies habituri sunt *finem*, cum mundus consummabitur. cap. XII. ult. Vapulat autem Apollinarii computus, in quem invehitur Hieronymus, dicens: Apollinarius Laodicensus omni præteritorum temporum se liberans quæstione, vota extendit in futurum, & periculose de incertis profert sententiam. Quæ si forte hi, qui post nos victuri sunt, statuto tempore completa non viderint, aliam solutionem quærere compellentur, & magistrum erroris arguere. Dicit ergo, ut verbum è verbo interpreter, ne calumniam videar facere non dicenti: In quadringentis nonaginta annis peccata, & omnia quæ ex peccatis orientur vitia, comprimenda; post quæ ventura sint bona, & reconciliandum DEO mundum in adventu Christi Filii ejus. Ab exitu enim verbi, quando Christus de Maria generatus est virgine, usque ad quadagesimum nonum annum, i. e. finem 7. hebdomadam, Israëlitis expectatam penitentiam. Postea vero ab octavo Claudii Cæsaris anno, contra Judæos Romana arma correpta. Tricesimo etiam juxta Evangelistam Lucam anno ætatis suæ, cœpit in carne Dominus Evangelium prædicare, & juxta Johannem Evangelistam, per tria paschata duos postea implevit annos, & exinde sex Tiberii supputantur anni, & quatuor C. Cæsaris cognomento Caligulæ, & octo Claudii, i. e. simul anni 49, qui faciunt hebdomadas annorum septem, cum 434. anni post hoc fuerint evoluti, i. e. 62. hebdomadæ, tunc ab Helia, qui venturus est, juxta sermonem Domini Salvatoris, ut restituat cor Patrum ad Filios, in ultima hebdomada ædificandam Hierusalem, & templum, per annos 3. & semis, venturumque Antichristum, & juxta Apostolum, sessurum in templo DEI, &

, & interficiendum spiritu Domini Salvatoris , postquam contra sanctos dimicaverit, atque ita fieri, ut media hebdomada confirmet testamentum cum sanctis, & rursum media cessationem victimarum esse pronunciet sub Antichristo, qui ponet abominationem desolationis. i. e. Idolum & statuam proprii DEI in templo, & erit extrema vastitas, & condemnatio populi Judæorum: qui sprete veritate Christi, receperunt Antichristi mendacium. His verbis præmittit Apollinarius diei extremo Antichristi, nescio cujus, adventum, & intermedios interfert annos, quos alii interpretes nesciunt. Nos de Antichristo inferius certiora quædam, DEO dante, dicemus. *Cesset mille annorum fabula.* Rotunde ait Hieronymus in comment. ad Dan. VII.

§. 59. *Finis & complementum* horum omnium erit, & quidem ex parte Electorum, salus æterna, ex parte vero reproborum, æterna condemnatio. Electi, quorum nomina in libro inveniuntur divini ordinis & prædestinationis, ibunt in *vitam æternam*. Dan. XII. 1. 2. conjunctam cum æterna gloria & honore; quæ vero gloria suos *gradus* habebit. Nam Doctores lucebunt sicut cœli splendor, & qui multos ad justitiam adduxerunt splendebunt ut stellæ in perpetuum. v. 3. Matth. XIII. 43. Sicut autem diversa est claritas solis, lunæ, stellarum, ita & Electorum. 1. Corinth. XV. 40. seqq. vide Fulgent. in resp. ad Arian. f. m. 446. Ex recentioribus D. Pap. comment. ad loc. cit. Dan. Ex parte autem reproborum erit *æternum dedecus & ignominia*, caligo, mors, & alia infinita mala. vers. 4. Dan. XI. vide Man. Caléc. t. II. auctar. PP. f. 282. C D.

§. 60. Ecclesiæ veræ opponitur (1.) *Ethnicismus*: in quo considerandi sunt 1. *doctores*, qui fuerunt: genethliaci, sophi, arioli, Chaldaei, Astrologi, divinatores, vel alio nomine dicti sapientes, à Nebucadnezare evocati, eo fine, ut somnium, quod ipsi exciderat, revelarent, & explicarent. Dan. II 2. seqq. Istorum hominum fit mentio etiam cap. IV. 4. Ubi itidem introducuntur, ut ministri somniorum vaticinorum explicandorum. Ut & cap. V. 7. seqq. ubi Belsazer eosdem desiderat, sine dubio, quod illud esset eorum officium, vel certè ipsi

talem scientiam jactarent. Quibus publicis Doctoribus accen-  
feri possunt alii patroni, & promotores religionis Ethnicæ: Talis  
fuit ipse Nebucadnezar, quando proposuit colossus, seu idolum,  
à suis subditis adorandum. Dan. III. 1. seqq. Talis & Antiochus  
Epiphanes, qui prædicitur fovere apostatas. cap. XI. 30. seqq. Ta-  
lis etiam Belsazer, quando Scripturæ explicandæ gratia evoca-  
vit vanos suos Chaldaeos. *Oblitus eorum, quæ Nabuchodonosoro  
acciderant, antiquum & inolitum suæ gentis sequitur errorem, ut  
non Dei Prophetam, sed Magos, & Chaldaeos, & haruspices vocet.*  
scribit Hieron. ad Dan. VI. 8.

§. 61. (2) *Membra*, seu Auditores, erant Ethnici ipsi, Ido-  
lolatæ, & variis vitiis aliis contaminati, Reges, Principes, Do-  
mini, Ministri, Masculi, & Fœminæ, Adultiores, & juniores.  
Dan. III. 1. seq. Nebucadnezar curat fieri idolum ingens, & ad  
ejus cultum & dedicationem evocat suos Satrapas, Magistratus,  
Judices, Duces, Quæstores, Præfectos, & universos Principes  
provinciarum: omnes item populos, tribus, & linguas; vers.  
4. qui omnes velut Ethnici coram Idolo prociderunt, cum Mu-  
sica sonaret, & juxta mandatum Regis illud venerati sunt. v. 7.  
Rex Belsazer quoque convivium paravit suis Magnatibus & Du-  
cibus, eidemque adhibuit suas quoque concubinas, & affert  
jussit vasa DEI sacra, speroque hoc laudavit suos Deastros, tan-  
quam potentiores vero DEO. Sic & illi cum suo Rege &  
Domino.

§. 62. (3) *Doctrina & cultus* abhorrebant à vera fide  
& cultu, & congruebant cum errore, & varia idololatria. Mo-  
do audivimus, quod Belsazer cum suis laudaverit Deastros suos  
aureos, argenteos, æneos, ferreos, ligneos, & lapideos. Quæ  
laus sine dubio fuit religiosa, publica, hilaris, forte & hymnis  
condita, qua suos Deastros veros esse Deos tradebant, utpo-  
te potentissimos, Israëlitarum vero DEUM esse falsum, ut-  
pote infirmum, cujus populus sit victus, templum destructum,  
& vasa ablata. *Quapropter & hic intelligi potest tum commendatio  
per certas compositas cantilenas, tum per discursus promiscuos,  
quibus facta Numinum Chaldeorum diversimode & allata, &  
cum factis Israelis DEI collata, & iisdem etiam longè prælata  
sue-*



*fuereunt, adiunctis varijs, ut apud Ebrios fieri solet, scommatibus conviciisque.* Ita B. Dn. D. Gejer. comment. ad Dan. V. 4. Ante hac Nebucadnezar Idolum parari curaverat, & subditis suis ad cultum proponi, sub comminatione mortis, ausus erat. cap. III. 1. seq. Quid cultores isti fecerint, ibidem vers. 7. legere est.

§. 63. Qualis erat doctrina & cultus, talis etiam erant mores. Referrī possunt hi ad duo capita, nempe mendacium & crudelitatem. Dan. III. 2. seqq. Nebucadnezar jubet suum idolum coli, adsunt invidi nonnulli, qui socios Danielis deferebant, apud Regem, velut contemptores mandati regii, & religionis, Rex exandescit, & cum frustra se esse verbis videret, jubet confessores istos in immanem fornacem conjici, quod & factum est. Tales mores erant etiam istorum, qui Danielis religionem calumniabantur. Nam tale praeceptum à Rege elicerunt, per quod non licebat religioso Danieli tuto esse, quo minus in foveam leonum conjiceretur. cap. V. 6. 10. seqq. Daniel erat persona publica, & à regibus cum Chaldaeis, tum Persicis in sublimi loco collocata, vide cap. II. 49. V. 19. VI. 2. seq. quare debuissent eum, inferiores maxime, in pretio habere, sed secus contigit. Dan. IV. 24. Consulit Daniel Regi, ut sua ipse peccata amputet, justitia, & abdicet suas iniquitates, erogata in pauperes eleemosyna. Unde colligitur, Regem hactenus peccatis fuisse victum & mancipatum, iisque cum adversus DEUM, tum adversus proximum. Neque probaverim ego per omnia petitum Regis & mandatum, quo voluit fugitivum suum somnium aut revelari & explicari, aut Chaldaeos ignorantes occidi. cap. II. 5. seqq. Sicut nec rapinam istam vasorum sacrorum, ex templo DEI factam, & captivitatem quorundam Judæorum etiam piorum & egregiorum. cap. I. 2. seqq. Etiam si enim DEUS manum suam illo in malo haberet, tamen etiam in eo peccare possumus, quod, DEO permittente, vel dirigente, facimus. Belsazer concubinas suas habuit, cum quibus & computavit, id quod cum vera castitate & sobrietate conciliari non poterit, cap. V. 2. seq. Doli & fraudes Græculorum, etiam Regum, in vulgus noti sunt. vide Dan. VIII. 25. XI. 6.

17. &c. Ex his & similibus operibus videre est, qui sint fructus falsæ doctrinæ & religionis.

§. 64. *Quare mirum non est, quod DEUS varias pœnas & calamitates adversus ipsos vel immiserit, vel permiserit.* Sapientes suos Nebucadnezar jussit interfici. Dan. 11. 12. 13. Ipse Rex, insolentior factus, de rationis usu & regno dejectus est. cap. IV. 27. Belsazer inspecta mirifica manu totus cohorrui. cap. V. 6. Persecutores Danielis in lacum leonum coniecti sunt. Dan. VI. 24. Imperia eminentiora suas habitura erant periodos, & singuli reges sua quoque nonnunquam infelicia fata. vide cap. II. 34. VII. 4. seq. VIII. 4. 20. seqq. Hæc certe & similia facta alia non putanda sunt forte fortuna contigisse, aut gratis accidisse, sed erant peccata & aliæ causæ, propter quas isthæc ita misit, & permisit, vel direxit DEUS, qui omnium conscius est, etiam intimorum peccatorum & contingentium.

§. 65. Non tamen plane deseruit DEUS gentiles istos, quo minus nonnunquam radios suæ clementiæ, justitiæ, providentiæ emitteret, atque ita ad veram Ecclesiam, & pœnitentiam eosdem evocaret. Actor. XIV. 17. seq. & XVII. 24. negat Apostolus, quod DEUS semet ipse reliquerit sine testimonio, quin bene hominibus faceret, & de cœlo quoque idoneas tempestates largiretur, & corda impleverit alimentis & gaudio. Quod & ex mundi creatione ejusdemque gubernatione deprehendere poterant. Idem Ethnicis etiam hujus ætatis & temporis præstitit. Nebucadnezari DEUS largitus est insignes victorias & permisit Judæos subigendos, & lautam aulam concessit. Dan. I. 2. 4. seq. Eundem fecerat ut arborem aliquam insignem, cap. IV. 18. 19. seq. V. 18. 19. Belsazari dederat avi sui spolia, propinavit, ut sic loquar, vinum, subministravit cibos, & alia. cap. V. 1. seqq. quo hæc, & similia alia, sine alio, quam ut ea DEI longanimitas ad pœnitentiam & humilitatem eum adduceret? Rom. II. 4. seq.

§. 66. *Majora* erant beneficia, quod DEUS illis Ethnicis donaverit Judæos, ut ex ipsis veram religionem addicerent, & verum Deum agnoscerent. Dan. I. 2. In ejusdem gratiam subtraxit Chaldæis sapientulis notitiam somnii, nempe ut hoc ipso agnoscerent

sceret vanitatem sui Ethnicismi. *Frustra igitur ab hominibus queris in terra, quod DEUS solus novit in cælo. Et occulte retrahens eum à multorum Deorum cultu, ad unius DEI notitiam dirigit.* scribit Hieron. ad Dan. II. 28. Eodem digitum intendit Daniel, vers. 27. 28. quando ait, DEUM Regi futura ostendere: *Rursum revelationem somnii non sui dicit meriti, sed ut interpretatio Regi manifesta fieret, & doceret Regem, quod DEUS solus esset colendus, & ad cap. III. 1. ubi recensetur historia Idoli Babylonici, notat: Datur per occasionem captivorum Barbaris nationibus salutis occasio, ut qui primum per Danielis revelationem potentiam cognoverant unius DEI, in trium puerorum quoque fortitudine discant mortem contemnere, & idola non colere.* ait Hieron. in Dan. III. 1. Qui & Danielis verba ad Belshazerem ita circumscribit: *Et tu, cum hac de parente cognovisses, & scires, quod superbis resistit DEUS, humilibus autem dat gratiam, non debueras adversus dominatorem cæli elevare cor tuum. & insultare majestati illius, & ea facere, quæ fecisti:* confer ad cap. VI. 1. & 25. Ex his & similibus constat, quod de verbo divino extiterint egregia documenta etiam inter medios Ethnicos, per quæ DEUS testabatur, se esse colendum, & metuendum. Quanquam non negem, bonis hisce sua quoque mala fuisse admista. Dan. I. 2. Nebucadnezar refertur in domum Belis sui retulisse vasa Domini, in eo, ut laudandum est qualecunque pietatis & modestia in usurpanda victoria studium, quod videlicet res sacras, neque sua luxuria instrumenta facit, neque suorum avaritia diripienda permittit. Ita dedicatio hæc vasorum cum impietate & blasphemia conjuncta fuit. voluit enim illa dedicatione vasorum publicè protestari, non modo populum Judaicum à se victum esse, sed DEUM etiam Judæorum longe inferiorem esse, quam qui Babyloniorum Dÿs potuerit resistere. Ita B. Dn. D. Pap. ad Dan. I. 2. Nec progredere eo, ut cum Anastasio Nicæni, quæst. in script. fol. m. 29. t. BB. PP. dicerem, Nabuchodonosor vocavit Balthasarem convenienter DEI sui nomini, quoniam in eo vidit Spiritum sanctum. Mallem dicere, ab idolo suo, Bel, ita ipsum vocasse, & quasi hoc ipso dedicasse.



§. 67. His accedunt charismata , ut fuerunt somnia , visiones , miracula , & somniorum interpretationes. Nam & ex his argumentis haud obscure conjicere poterant , quod melius & sublimius aliquid de DEO sentiendum sit. De somnio, Nebucadnezari divinitus immisso , legere est Dan. II. 1. seqq. & de altero , lege cap IV. 8. seqq. *Vidit Rex impius somnium futurorum & interpretante sancto quod viderat DEUS glorificaretur , & captivorum Deoque in captivitate servientium sit grande solatium* , notat Hieron. ad Dan. II. 1. Eodem tendit Daniel , quando cap. II. Regi ait , non esse humanarum virium tale quid nosse , sed DEI ; *Tollit quoque Regi pravam suspicionem , ne humana aestimet inveniri posse solertia quod DEI solius notitia reservatur*. Idem ait , loc. cit. Sed & Belsazer aliquam habuit visionem , quam Daniel ipsi interpretatus est , cap. V. 5. 6. Cui , ut & aliis interpretationibus subinde immiscuit monita divina , quod DEUS exinde sit agnoscendus , timendus , & reverendus.

§. 68. Ecclesiae verae porro opponitur I I *Antichristianismus* , qui nomen habet ab Antichristo , cujus ( 1. ) *typum* gessit Antiochus , cum ipso Antichristo non confundendus , ut fecit Porphyrius , conquerente Hieronymo : *qua in consummatione mundi de Antichristo futura dicuntur , propter gestorum in quibusdam similitudinem sub Antiocho Epiphane impleta contendit* , scil. Porphyrius , Epist.

Epist. ad Pammach. & Marcell. Sed distinguendus est, distinguente ipso Spiritu Sancto. Dan. XI. 36. seqq. XII. 1. seqq. confer Matth. XXIV. 21. seqq. 2. Thes. II. 3. seqq. Ejus (2.) *Futuritio* certa est. Nam DEUS per Prophetam prædixit, & ea scribit curavit quæ non cadunt, nisi in ens revera futurum, & existens. *Cætera, quæ sequuntur usque ad finem voluminis Ille (Porphyrius) interpretatur sub persona Antiochi, qui cognominatus est Epiphanes, frater Selenici, filius Antiochi Magni, qui post Selenicum undecim annis regnavit in Syria, obtinuitque Judæam, sub quo legis DEI persecutio, & Maccabeorum bella narrantur. Nostri autem hæc omnia de Antichristo Prophetari arbitrantur, qui ultimo tempore futurus est,* ita Hieron. ad Dan. XI. 21. seqq. Ex quibus verbis saltem hoc patet, quod aliquis Antichristus fuerit futurus. Cujus (3.) quasi *natura & genius* graphice describitur, ut unius quidem personæ, sed quæ non excludit plures successores. Id quod videre est ex diversis prædicatis, & operibus, de quo alibi. Opera autem ipsius, & ipsum adeo genium numerat & expendit noster Pappus, quod sit (Dan. XI. 36. seqq.) *facere secundum voluntatem suam: secundo efferre & magnificare sese super omnem DEUM, & contra DEUM Deorum loqui mirabilia, ac ne DEUM quidem Patrum suorum curare. Tertio prosperari, & successus felices habere definito tempore. Quarto desiderium mulierum negligere. Quinto idololatriam multiplicem exercere. Sexto eandem illam idololatriam largitionibus & vi externa corroborare. Ita recenset D. Pappus, & monet: has notas diligenter considera-*

*re oportet.* Quod fiet, si contulerimus notas istas cum *doctrina* religionis alicujus publica, & recepta, aut saltem non improbata, & cum *factis*, quæ doctrinæ affinia & congrua sunt, & revera vel perpetrantur, vel permittuntur, vel jactantur, quæ collatio si cum scriptura hujus & aliorum locorum sine passionibus facta fuerit, facile dabit, quis sit Antichristus, (4.) *Circumstantia loci & temporis*, ex cap. XI. 45. & 36. Antichristi nimirum sedes erit inter duo maria, quæ sunt circa sanctum Ecclesiæ montem, durabit etiam ille donec venerit tempus, à DEO definitum, quo finem habiturus, & gladio Dominici oris conficiendus est, quidquid etiam parastatæ egerint, quod complementum suum conjunctum erit cum die extremo, quo mortui resurgent, & judicium ultimum habebitur, in quo quisque accipiet, quod ipsi DEUS vel promisit, vel comminatus est. (5.) *Status Ecclesiæ sub Antichristo futurus erat miser & miserabilis.* Omissis aliis probationibus, vel unicum sufficit, quod tanta fore miseria prædicitur, qualis non fuerit à condito orbe. Dan. XII. 1. Matth. XXIV. 21. Cum, contra, Antichristus erga suos sese admodum benignum gesturus, cap. XI. 39. quanquam & ipse suos inimicos habiturus sit, qui repræsentantur per Regem Austri, X. 20. qui CHRISTUS est, cujus impulsu insignes viri Antichristo sese opposituri sint. Sicut viceversa neque Ecclesia DEI omnino sit delenda. vers. 4. quia supersuturi sint quidam fideles, similes quibusdam Edomitibus, Moabitibus, & primitiis filiorum



liorum Ammon, .( 6. ) *Remedium praestantissimum  
erit DEI verbum, & adventus CHRISTI gloriosus.*  
Nam CHRISTUS conficiet eum gladio sui oris,  
quod est DEI verbum, & adventu ultimo. 2. Thes.

II. 8. Jcs. XI. 4. Apocal. XIV. 6. 7. Qui adven-  
tus ut maturè fiat, votis ardenti-  
bus suspiramus !



*Ad Pereximium*

*Dn. Respondentem suum.*

UT medios inter rictus unguesque  
leonum

Supremo Daniel Numine tutus erat:  
Sic inter medios hostes Ecclesia Christi  
Permanet, & requiem gaudet habe-  
re suam :

Donec ab æterno revocetur ad æthera  
Rege ,

Et referat fidei præmia digna suæ,  
Æternam requiem, quam nulla pericula  
turbant ;

Nam jacet in brachiis, Christe, re-  
cepta tuis : Quæ

Quæ, cognate, Tibi quoque comprecor  
esse benigna

Quondam, quod fiet, quando beatus  
eris.

Interea mecum verbis defende, quod ist-  
hæc

Sit fidei, & nostræ summa caputque  
spei.

*Benevolentia E. fecit  
Exercitii Præses.*



